

MEYA AZE APWAKO LIKA AKUFUMA MU LILOLWA



Etu tuli vakusakwilila chimene chino ha Kupwa cha Mwata Kalunga, natuya nakuputuka kutangisa chakulivanga hakutuhana mujimbu, nge—nge etu twatela “kwivwulila, pwenu vakuunda” kumeso a Ikiye, nge Ikiye ali nachuma chimwe chakuhanjika kuli etu. Ngunakunyuka ngana nge Ikiye mwaya nakulinga chuma muka Ikiye ashikile. Ikiye lwola lwosena eji kuzatanga Lizu Lyenyi. Kaha shikaho etu tuli vakusakwilila kupwa hamwe, ayoya, kaha kusali ya Hayamyaka chimene chino, kaha nahase kulifukula kuli Mwata cheka, na kukunguluka hamwe na kwivwa kufuma kuli Ikiye. Ou ukiko mulonga etu tunejila hamwe, eyi ikiko pungu ivene.

² Jino, Muyachi wa nyamanganda muli Ndumbu walunga Neville, kuhona kulizanga, lelo, mwomwo ya chilota chimwe Ngwapwile nacho. Chize...Ngwafwelela mu...Ngwa...mu vilota. Ngwafwelela nge Kalunga eji kuzatanga na vathu na vilota. Kaha Ngwapwile na chilota chakuzeneka kutela, ufuku shimbu kanda makumishilo. Chize, Ngwapwilenga nakuya kusali ya pili, kusali yimwe, kuya nakulya chihela kuze Ngwapwile nakupwa na yami—kulya chami chachingoloshi. Kaha Ngwatalile chize, nge Ngwapandamine kuchihela, vakiko vapwile nakwimba myaso, vyakwimbisa kupwa myaso, na vilins, na kwimbisa vathu shimbu vakiko kulya. Kaha kuze vapwile chumachimwe pamo chize Kangwazangile nge, shikaho Ngwahichile helu ya chumachize. Kaha Ngwaliwananga na muthuumwe kwiza nakukanduka kupili. Kaha Ngwatalile, kaha vathu vavavulu vapwile nakwiza nakukanduka kupili kuli echi kulya chihela. Oloze Ngwatela kufuma kuli vakiko, kwalumuka nakukinduluka kuchilyo, mokomoko, kuchimoswe.

³ Kaha kumwe, muze muchinema, Ngwahashile kumona mbalaka. Ngwevwile lizu lya muthuumwe, ngwalyo, “Kuliwana na Ndumbu walunga Branham ha kulusu yimwe. Ikiye ali nakwiza nakushikumuka pili kuze. Kaha kumulweka chuma na chuma.” Kaha Ngwalizangile kuzauka.

⁴ Kaha omwo muthu ejile, apwile Ndumbu walunga Neville kuvwala suti yausungwa, kutala nge ikiye kusoloka kutwama kuze echi chimene. Kaha ikiye ngwenyi, “Ndumbu walunga Branham, kachi ove muya nakupwa mumbongi,” ambile ngwenyi, “nachiya nakupwa na—na chumachamwaza kuli enu nakushikumuka, mwomwo Ndumbu walunga Hank...” Jino, umwe kaha Ngunatachikiza, Ndumbu walunga Hank, ali

Ndumbu walunga Henry Carlson, etu tweji kumuvuluka Hank. Ambile ngwenyi, “Tkiye nahase kushinganyeka nge chapwile chaungeji ove kawatambukila mbalaka chekako kachi ove muya nakupwa nakujinguluka mbaka, mokomoko kujinguluka mbongi mumakumbi amandende.” Ngwahindikile.

⁵ Kaha, hali chize, Ngwevwile nge chaungeji. Kangwazangile mee mulwola lwa semana, palanga Ngwamuhulile Ndumbu walunga Neville kachi ikiye apwile nachuma chimwe chakulimanyina chimene chino, ha liuka. Shikaho ikiye apwile walikoji, nge lwola lwosena, ngwenyi, “Twaya kuno.” Shikaho, etu tuneza kaha. Ngwamusanyikile ikiye kupwa wakukotokela zau namusana, kaha kwiza chimene chino, kuhona kupwa kanawa kuli etu.

⁶ Jino Ngwafwelela nge nachiya nakupwa chuma chamwaza, chatete, kuli yami kupwa kaha na—na kulumbununa kuli enu vyuma vimwe. Yami, kachi, kupwa muthu wakuseuka kuli vathu vavavulu. Kaha Nguli muyachi wakusauka ami lyavene, nawa. Mwomwo, Nangweseka kukavangiza kutwaminyina cha Shipilitu Wajila, kupwa hakamwihi nge omu Ngunahashila. Kaha echi cheji kutulingisa kupwa vakusehewa, talenu. Etu tweji kulinga vyuma vize etu—etu tweji kutwama hamavu na kulikomokela lwola lumwe, “Mwomwoika Ngweji kulinganga chuma kana? Kaha Ngweji kulinga ngachilihi chuma kana?” Kaha chakwoloka jino enu kushinganyeka nge enu kulinga muzevene chumamuka ove watela kulinga. Oloze kachi ove muya nakuunda, na kupwa na lufwelelo, kaha ove unakunyuka ngana nge Kalunga natwaminyina ove kuchilinga, ove muya nakuwana echi kuzata vene chakwoloka. Talenu? Kaha lwola lwaluvulu etu tunawane ngachize. Kaha Ngunatachikiza Ndumbu walunga Neville awanyine chize, lwola lwaluvulu. Kaha vatwamina na vathu va mushipilitu kutachikiza chize.

⁷ Echi chinapunga lwola lumwe muchiyoyelo chami chize. . . Kujanjika hatoma, kufuma haze Ngwapwile kaha kanyike walunga, Kanda lyehi ngwivwenga echi Ngwatela kuyoyela mu—mu Jeffersonville. Echi chili lwola lwosena kutuka kulikuta, hali yami kweseka kuyoya hano. Chihela chatete, kwapwile wakumona ukalu nakuhona kwivwushisa hamwe nayami. Chuma chikwavo, kuze kusoloka kupwa kushindakanaya shipilitu.

⁸ Kachi ove mukinduluka na kutala kumwe hano, kachi kavayenyekelako kutwala mulwola lwa livaji, kuze kwapwile mukanda kuli chize, chize Ngwapwile, chatete wakusanyika mumulimo, Ngwaputuka kuseza. Kaha Ndumbu walunga George DeArk kaha Ngwa. . .

⁹ Kaha naye ya Ndumbu walunga Granham Snelling, Ndumbu walunga Hawkins uze eji kutetekelanga hakulanjila maji mu New Albany, kaha vathu vavavulu, kunguwana yami kuweluka

wa kuliwana chachindende kuze hano. Kaha ahanjikile, kachi Nanguya nakutwama, vakiko navaya nakwitavila vana kumeso, na—na kutunga mbalaka, shikaho vakiko navaya nakupwa vakumbachiwa pamo kufuma muchihela nakutwala kuchihela.

¹⁰ Omwo Ngwevwile uze naye wamundende, na kamba umwe kumukwata kulivoko lyenyi kaha likwavo halivoko lyenyi, kuhanjika nge ikiye mwaya nakwitavila vana venyi ku mesa, mangana kutunga chihela muze vakiko vanahase kutwama nakulifukula, chapwile chachindende kuhambakana yami kwimana. Shikaho Ndumbu walunga George kaha Ngukwechi hamwe na kutwama na kutunga mbalaka.

¹¹ Kaha omwo eyi mbalaka vayitungile, lwola lwosena kusoloka. . . Chimene chize Ngwakunjikile mbalaka, chimweno chejile, chize vasonekele kaha mu lilolwa lyamumbango, omwo Shipilitu Wajila ahanjikile kuli yami, “Eyi keshi mbalaka yoveko.” Talenu? Kaha Ngwahulile kulihi kuli mbalaka yami yapwile, kaha Ikiye kunguhaka mwishi ya mavwe ausombo amwaza. Kaha jino Ikiye ngwenyi, “Zata mulimo wa mukakwambulula mujimbu wamwaza,” kaha na vyangocho, nge omu munejiva. Echi vachisoneka mumikanda.

¹² Vyuma vyosena kuhaka hamwe. Kaha likumbi limwe omu Ngwapwile nakukwapa muchipango chami kuze Ndumbu walunga Wood ali nakuyoyela, kaha mawenu yami kuze ha lwola luze; Ngwatwamine handalo yatete, hakukukola handalo, ze Ngwatungile echi chihela chachindende ya mawenu yami. Kaha ikiye apwile muyachi wa mukulwane wa liuka halwola luze, kuzakamina echi. Kaha kupwa kaha hatoma nge kala muthu nahase kuhanjika, Lizu lyahanjikile kuli yami, ngwalyo, “Kangweshi kuhasa kukukisula ove kachi kaha ove twama hano. Ove watela kulihandununa ove lyavene kufuma kuli vathu jove na chihela chino.” Chamwaza, Ngwa, chize changunyine muvihanda vihanda, pamo mulungu mokomoko kuhambakanaho.

¹³ Kutwalilaho, lwola lwosena, Chumachimwe changuhuhumwine yami, “Yako, yako. Tambuka nakuya kumulauko. Twalilaho kuya kumulauko.” Chamwaza, Ngwa. . . Echi chili lwola lwosena kungushupa yami. Kaha kusoloka nge kala lwola. . .

¹⁴ Jino, Ngwachilingishile hatoma to muvishinganyeka vyami nge uno mulungu Ngwapwile na kutuka nakuya ku Tucson, kuze Nwapwile nakusokela, nakupwa muchishika; kuhaka vana mu mashikola, kuputuka mu Katundwe. Ngwapwile na chihela. Kuze kwapwile chihela chakunguhana kuli yami kuze. Oloze kuli chuma chimwe chize. . . Kaha—kaha kachi Nanguya nakufumako. . .

¹⁵ Chuma chikwavo Ngunatondo kuhanjika. Shimbu kanda etu kutunga zuvo helu haze, senge, muze ili jino, Kangwatondele

kutunga kuze. Pwevo lya mama yami apwile kashinakaji. Kaha ikiye alilile hali chize, ikiye ambile ngwenyi, “Kangweshi kuhasa kaha kuseza mama hanoko, hakutachikiza nakulu lyehi, kaha ikiye pamo keshi kuhasa pamo kulitala lyaveneko.” Chamwaza, Ngunevwushisa echi. Ngunevwushisa. Uze naye, kaha naye apwilenga nawo, mokomoko mwaya nakupwa. Shikaho, Ngunevwushisa echi. Shikaho Ngwa—Ngwalombele kuli Mwata, Ngwambile ngwami, “Mwata, kupwa nge Kangwazangile chihela kanako,” Ngwambile ngwami, “ngulingise kupwa wakusuuluka. Nanguya kwosena Ove unatondo yami kuya, kufuma kalakwosena. Oloze Kangwatondele kuyengetesa pwevo lyamiko, kumufumisa ko ikiye kufuma kuno, nakwingila mulifuchi lya ungeji kuze ikiye ahona kutachikiza numba umwe. Kaha jino Nguli nakuya lwola lwosena, mwosena omwo. Nguli kaha nakungusuwuluka kupwa hano na ikiye.”

¹⁶ Kaha jino, omwo naye vanamumbate, kaha ikiye mwaya ku Upahu, kahajino hano kwejile ngilashi cheka, talenu, jino kutambuka nakuya. Ngunahono kutachikiza mwakulingila.

¹⁷ Kaha jino likumbi likwavo omwo echi kunangula nge vandumbwami vaputukile nakujinguluka, Ngwemanyine kufuma kukamenga lwola lwamakumishilo Ngwapwile hano na kumilweka nge Kangweshi kupwa muwandeke kachi chize chili nakuya. Shikaho, vaze vandumbwetu valingile mwalikoji nakwolola chize. Chinapu chosena chakutomesa. Mukachi ka twende fwo yajiola, chinapu chosena kaha chinahichi.

¹⁸ Jino echi kusokoloka muwande cheka kuli yami. Ngunahono kutachikiza chuma muka chakulinga. Ngunahono kutachikiza jila muka yakwalumuka. Ngunalombo Mwata ha chimweno. Ngwamuhulile Ikiye kungulweka chuma muka chakulinga. Oloze Ikiye ngwechele ngutwame.

¹⁹ Jino, ufuku unahichi omwo Ngukwechi vosena vana vavandende, pwevo lyami na vyosena, kufuma muzuvo, Ngwalinangwile kuli Mwata Kalunga. Kaha Ngwahanjikile kuli Mwata Kalunga, “Kachi Ove muya nakukisula mujila ize Nanguya, Nanguya nakukuzachila Ove. Oloze Ove watela kungulwekesa yami okwo watela kuya, kaha nomu mwakuya, na mwakulingila.” Shikaho, Ngwalikunjika amilyavene kuli Mwata. Na—na mulimo na vyosena, Ngunalingi kuli Mwata. Kaha Ngwambile ngwami, “Kwosena Ove musokoloka, kalachuma Ove mulinga, Nanguya nakutambuka muli ize jila. Palanga Ove mupanga jila, nanguya nakutwalilaho nge Yami kupwa palanga Ove mupanga jila.” Kaha Ngwamuhulile Ikiye kuchilingisa kupwa hatoma nge Kangweshi kuhasa kuhungumwisa jino, mwomwo Ngwafwelela mwamuchano nge etu tuli vene ha kulusu ya chumachimwe kusoloka.

²⁰ Ngwevwile echi apolofwetele chimene chino hano na Ndumbu walunga Neville, mokomoko kuze Ngunatachikiza

echi kupwa—echi kupwa na upolofweto uze ikiye apwile nakuhanjiika. Jino, shikangaho, Ngunalombelela enu vosena, kaha Ngwatondo enu vosena kungulombelela yami, shikaho nge Shipilitu Wajila mwaya nakutwaminyina yami vene kuze Ngwatela kuya, chuma muka Ngwatela kulinga, shikaho Nanguya naku kuluwanganyisa.

²¹ Enu mwamono, lwola lwaluvulu, vathu kushinganyeka nge wana wa upolofweto, nge Kalunga ahanjikile kaha “Nanguya nakukumbata ove *hano* vene, kaha nakukuhaka ove *haze*. Jino ove yako kaha *hano*.” Kaha Ikiye kakulwekele ove vyuma vyosena. Kachi Ikiye kalingile, jino chuma chakufungulula lufwelelo kulinga chuma ove uli nacho? Talenu? Talenu, enu, Ikiye echele ove kwimana ukawenyi kuhambakana kala muthu. Talenu? Enu vosena munahase kwiza kuli yami na kuhula vyuma vimwe, kaha Ikiye kanda lyehi ahone oloze chuma Ikiye akuhanyine kukumbulula. Echi chakwoloka. Yaah. Oloze Ngunahase kumuhula Ikiye ha vyuma hali yami lyavene, kaha lwola lwaluvulu Ikiye kwecha kaha yami ukawami, talenu, kungwecha yami kuya kulutwe na kutambuka nakwingila.

²² Ngukwechi vyuma jino vize Ngwatela kuvitala yami lyavene, kaha kusakujola echi Ngwatela kutunga. Kaha echi chinapu chuma chimwe chachilemu, palanga Kangweshi vene kutunga echi palanga punduvene chinapu Ikiye kuhanjika kuli yami. Kaha Ngwa—Ngwa...Ikiye keshi kuhasa kunguhana chimwenoko. Ikiye eji kungwitaviza yami ukawenyi. Shikaho Nguli kaha nakutwama nge mokomoko ndatane, nge, chimene chino, Ngwa—Ngwahono kutachikiza jila muka ya kwalumuka. Shikaho, Ngunalingi echi kuli Mwata.

²³ Ngwa—Ngwevwile nge jino, mukulota chize, Ngwatela kwiza kuno ku mbalaka na kukafwa Ndumbu walunga Neville palanga chumachimwe nawa lwola lunahichi mujila. Shikaho, Nanguya nakupwa.

²⁴ Ngwamuhilile Ndumbu walunga Neville tando yayindende kunyima, “Omu chapwile liuka kutwalilaho?”

Kaha ikiye ngwenyi, “Chamwaza.”

²⁵ Kaha shikaho Nguli nakwivwa nge ove uchili na mawana amushipilitu na vyuma vimwe mukachi kove, chili nakuzata, mawana a upolofweto, na—na kuhanjika mumalimi, na kulumbununa malimi, aze etu twevwile tando yayindende hanyima. Kaha vyuma vize vili nakutohwesa liuka, kaha vinaoho.

²⁶ Oloze Ngwashinganyeka, pamo ufukuuno Ngunahase, kachi Ndumbu walunga Neville...Kachi Shipilitu Wajila keshi kututwaminyina etu kuchuma chimwe chakuhandunuka, ufukuuno Ngunatondo kupwa na...Enu vosena, shimbu enu muyenga na chimene, nakusoneka chihula kaha nakuchihaka hano, vihula vimwe muwongo wove, nge etu twatela kuwana

nge liuka lili nakushinganyeka. Chize chinapu pamo jila tufunga vatela kuwana chumamuka chapwile mumichima ya vathu. Kaha enu vosena na chihula, kuchisoneka na kuchihaka hano. Kachi enu kamweshi na chihanda cha lipapilo cha—chakutambwisa chimene chino, jino soneka ufuuno. Shikaho, Ngunatondo kupwa nalwola lwaluvulu nge omu Ngwahashile, hali vakiko, kutala hali vakiko na Chisoneka nachitavila.

²⁷ Kahajino kachi Mwata netava, kachi echi nachipwa muchima wa Kalunga, Ngunatange hanjikiso hano keshi kunyima chikumako, nge Ngunatondo kuhanjika kuli enu ha Tutachikijilo twa seveni twa...mu Kusoloka. Jino kachi etu...Kangweshi kuhasa kupwa mujila yosena kuhichila mu Tutachikijilo mu mwaka, mwomwo cheji kufuma mu kapetulu 6 wa Kusoloka, kuhichila mu—kuhichila mu kapetulu 19, kuya nakuhita mu Tutachikijilo. Oloze chatete seli mokomoko fwo yavo vanahase kukumbulula mukachi ka ufuku, Ngwashingtonyeka, kala Katachikijilo kupwa ufuku.

²⁸ Jino, kachi etu tunevwushisa, talenu, kuze etu natwimana haze ha Mukanda wa Kusoloka, kuze Liuka valitwalile muupahu, kahajino vyosena vili nakuzata na va Yuleya, keshi na Liuka ko. Echi chili nakuzata na lifuchi lya Vayuleya. Shikangaho etu twatela kuholoka hamavu, kufuma mu Kuhukula cha Liuka, na kumbata...Etu twamono hano chuma muka nachisoloka mulwola lwa Tutachikijilo, na lwola lwa Liuka lya Vakamafuchi eka na eka. Eli Liuka linayi; kaha na lifuchi lya Isalele, echi kuholola na kuneha Isalale kufuma mulwola luze vyavasele, palanga nakulwola kutona; kaha kwiza Meshiya, omwo vakiko navakaya nakutambula Meshiya.

²⁹ Jino enu munachivwushisa? Eli Liuka vanalimbate. Kalunga azachile chatete na Liuka, Visemunuino vya Liuka. Etu twambachile chize. Kahajino Liuka valimbachile Muupahu. Kahajino Shipilitu Wajila mwaya nakukinduluka na kumbata Isalele, nge lifuchi. Kaha kuneha nakushikumuka nakuze, shimbu kumbachisa cha Chingoloshi kutwalilaho, kaha jino kuneha Vakiko cheka kusongo ya lwola. Nanguya na kuhaka na livaya lyami helu, kaha kupwa nakusoneka nakunangula, omu lwola nalwiza. Kahajino Mwata kukinduluka na Mwenga, kaha Isalele kumona Ikiye. Kaha, mamalelo, lwola muka luze nalupwa!

³⁰ Jino, shimbu kanda etu tukase mwakwoloka muli echi, kuli kulinangula chachinene chize kupwanga chakulimbwisa kuli vakakutanga vyathu na vavavulu, kaha valongeshi muvisemunuino vyosena, kaha vathu vamu Church of Christ na vaze vali nakwiza na kwivwa echi, echi chili, jisemana Makumi Atanu na avari a Ndanye. Etu tukwechi...Etu katweshi kuya kulutwe mu Kusoloka palanga etu natukula Mwenga na Isalele hamwe na Jisemana makumi Atanu na avari a Ndanye. Kaha pamo, kachi Kalunga netavila, shikaho nge kachi Ikiye

atela kuhanjika kuli yami kulutwe, kuhanjika hali vyuma vimwe vya Jisemana makumi atanu na avali...mokomoko, keshi Jisemana Makumi Atanu na avali, oloze Tutachikijilo twamakumishilo. Kahajino Chalumingo nachizaho, Nanguya nakweseka kumbata Ndanyeke Jisemana Makumi Atanu na avali, Chalumingo nachizaho, nge Mwata netava. Kaha jino chize nachiya nakusokoloka ha chihela jino, kachi Ikiye atela kututwaminyina, kuputuka veka. Chamwaza, etu natuya nakuwana kufuma haze.

³¹ Ndumbu walunga Neville kaha Nanguya nakuzata hamwe hali echi, kaha kulinga vyumavimwe vize etu kupwa vyakungalanya kuli vathu.

³² Jino, kuya kunyima lwola lwosena, etu twalombo hali vakakuviza, etu lwola lwosena vakuwahilila kulinga chize. Kaha Nanguya pamo nakulinga kala kuliwana, kachi vathu vali nakuviza, kuvalombelela vakiko.

³³ Kangweshi nakufwila kupwa na kala kutumbununa vishinganyeka. Talenu, jino hano hakiko chasolokele. Nguneseka. Kaha Ngunatachikiza Ngunalingi vyuma vya kuhenga; oloze Nguneseka kuyoyela hakamwihi na Kalunga, lwola lwosena, kuli Kalunga, omu mukiko vize vimweno naviya nakusoloka, omu vikiko naviya nakusoloka. Numba vathu navaya nakujimbalisa vyuma, kaha kunguvuluka, kungulomba yami kuya nakulomba Mwata, kumuhula kulihi chili. Nge Jesse najimbalisa va vimbulu, kaha vaze vanyike vamaalunga kuya nakushikumuka nakuwana kapolofweto, kaha ikiye avalwekele nge vaze vimbulu vali kulihi kaha vanakunduluka lyehi kwimbo. Shikaho navyangocho, chize chapwile vene chakukupuka. Oloze cheji kupwa chikuma hali echi, vathu vavavulu...Keshi kupwa kaha mukwonoka nge ngachize; chinapu kukaye kwosena, talenu. Shikaho chili kaha nakumbata, kungulama nakupulika, kaha jino kulama enu mukwoloka nakusongo lwola lwosena, palanga nomu nachipwa muchihela... .

³⁴ Kaha echi chikliko chalingishile vandumbwetu vaputukile kupwa na nakunangula, chize nge Ngwapwile wakushisa muli Mwata Yesu Kulishitu. Kaha etu tunatachikiza nge chize nachiya nakutanya Mulimo wosena muvihanda vihanda, kaha kuneha kutoleka hali Kulishitu na vyuma vyosena. Talenu? Shikaho uze ukiko mulonga Ngwavahanyine kulimeneka changolo, mangana kuchimika chikupu, echa vakiko vatachikize nge keshi Kalunga ko, uze apwile liyavolo. Talenu? Kaha vakiko vapwa vathu vamwaza. Kaha chasolwele vaze vathu vali wakusemuka chachihya cheka ku Shipilitu ya Kalunga, mwomwo, omwo vakiko vamwene Muchano ha Chisoneka, vakiko vakindulukile kuli Kalunga, mukiko vene, talenu, hazevene. Shikaho, chize chasolwele apwile Satana kweseka kulinga chuma chimwe na vathu; vakiko vosena vapwile vaka ukalunga, vathu Vakakulishitu.

35 Kaha chalingishile vavavulu kuhanjika kuli yami, “Ndumbu walunga Branham, etu tukwechi lufwelelo muli enu jino kuhambakana omwo twapwilenga.”

36 Mwomwo talenu, chumamuka, na wana uze Kalunga nanguhane yami, chuma muka Ngunalingi na chize? Ambillile lifuchi kumahinji ami, mokomoko, vathu. Chuma vakiko vavuluka kupwa lifuchi, keshi “kosmos” kuno, kaze—kaze cannon fodder na vyangocho. Ngumatwale nge Vakakulishitu, vaze vanapu vakakufwelela chikupu, vaze vanapu vavene chikupu...Etu kuhanjika ku *lifuchi*, etu kunangula nge vathu vatela “kusemuka cheka chachihya,” chize chikiko kuhanjia, cha lifuchi. Keshi kalamuthu hano, chize majilo na vikwahukwahu evi etu tulinakuyoyelamo muno mukaye, chize kupwa—chize kupwa nalukungu hano hamavu kwalumuka kunyima. Nguli nakuhanjika ha kusemuka chachihya Vakakulishitu, vathu vaze vene Vakakulishitu vamwenemwene.

37 Nguli nakuvandamina muthu kutumbuka hali yami cheka ha chuma chimwe. Muthuumwe ejile kuli yami keshi hanyima chikumako, kaha ambile ngwenyi, “Chishinganyeka chivene, cha Kulishitu kuveta ha mavu, na kumufwijila Chenyi, kaha kutunga chindanda na kuchishila kumeso aumwe.” Ambile ngwenyi, “Omwo unyengwe, majilo uze apwilenga, mwomwo Ikiye kumufwijila, na kumufwijila Chenyi kufuma mukanwa Kenyi! Omu kupwa wamajilo, kufwiza mumajilo, kaha kutunga chindanda cha ndambo kaha kuhaka ha meso amuthu.”

Ngwambile ngwami, “Oloze ikiye akindulukile na kumona.” Talenu, mukiko kaha.

38 Kaha uze muthu youmwe! Vakiko kusokolola chilombo mukachi kuze muchihela chami, munatachikiza, muchijiva chakusanyina. Kaha—kaha uze lunga akwechi tiketi hali vana venyi kuya kuze na kuhala muze muchijiva. Kaha ikiye na pwevo linyi mwaya, nawa, muze muchijiva. Ngukonekelenu, vandumbwami vama pwevo. Oloze kuze vakiko mapwevo muze kusana, pamo handulendi yavo, mokomoko vavali, kala likumbi; mapwevo, majilo osena na vyuma, na mapwevo lelo, na kukosa muze mumeya, uze unyengwe na majilo mutunwa twavo, kaha kunwa na kufwiza. Nguli kaha nakutonda ikiye kutumbuka hali ikiye, talenu.

39 Vakiko vambile ngwavo, “Kachi—kachi Kulishitu apwile nakuyoya nalelo, vakiko kachi Vanamukase mwomwo ya majilo.”

40 Ngachilihi *echi*? Nguli wakukunyuka enu kwatenu omu Ngwatwale. Vakiko vakuya vene muze muchijiva, kaha vavavulu vaze vapwile namisongo ya, kashiji, kalwena, na vyuma vimwe nawa, muze vene. Kaha kuufwinjila kaha mukanwa kove, kaha vyumavimwe nge ngachize, kaha kusana nakujinguluka vene kuze nge ngachize. Kaha aze apwile majilo, mukiko vene?

⁴¹ Shikaho, mamalelo, yami, likumbi lino etu tuli nakuyoyelamo, ndumbu walunga, ndumbu wapwevo! Elu lunapu lwola lwa Kwiza cha Mwata! Kaha Liuka likwechi lutalililo lumwe, kaha chize chinapu Kwiza cha Mwata.

⁴² Chamwaza, Kangweshi kuhasa kwimika vyuma kanako; kakweshi nakutondekako. Eyi Mbimbiliya yinapolofweta nge vakiko navakapwa hano. Kangweshi kuhasa kuvemika vakiko. Oloze Ngwatondo lizu lyami ha unjiho Mwilu, nge Ngwapwile nakole na echi, omwo lwola nalukeza ha Kusopesa. Ngwapwile nakole nachize.

⁴³ Ngwafwelela nge eyi Mbimbiliya yinapu Lizu lya Kalunga. Kahajino kakweshi chuma chekako muno mukaye, kulimbalaka na Echi, chinahase kwimika Chize. Oloze eyi Mbimbiliya hano, ou unapu Muchano, eli linapu Lizu lya Kalunga. Shikaho jino echa tukoke kaha mato etu—etu, na kuwajikila chhindende kukuunda cha ngenge ya mwakunokela mwilu. Kaha—kaha etu tunahase kutambuka nakuya hamene kumwe, oloze echa tujikilile jino na kwivwulila ku Lizu lya Tata wa Mwilu nge omu Ikiye mwahanjika kuli etu kuhichila mu Lizu Lyenyi, etu twafwelela, lelo.

⁴⁴ Kaha ufukuuno, jino, enu pwenu vakujikila kukala chihula chachindende muli nacho. Jino, keshi chumachimwe chize nachiya nakulemeka muthuumwe. Kachi ove mulinga ngachize, kahajino echi chili. . .Kangweshi kuhasa kukumbulula chize chimwe, kukuputuka, talenu. Oloze ove, *chuma chimwe chikwavo*, kukanjika, “Chamwaza, jino, kachi Nangulinga chuma chimwe, kumana Kalunga ngwenyi etu twatela kulinga echi?” Mokokoko, munatachikiza, vihula vyavindende ha muchima wove. Mokokoko, “Etu tuli namawana ali na etu, Ndumbu walunga Branham, kaha etu twatela kuvazachila *eyi* jila mokomoko *ize* jila? Mokokoko, chuma muka etu twatela kulinga?” Chumachimwe chize Ngunahase kukumbulula ove kunyima mu Chisoneka, mwamono. Soneka chumachimwe chachindende. Nanguya nakupwa wakuwahilila. Kaha kachi kakweshi chumako, jino Nanguya kaha nakumbata mutwe wachihande umwe nge ngana, na kunangula kuli enu ufukuuno, nge Mwata netava. Eyi yinapu Chalumingo, kaha Ngunapunga. . .

⁴⁵ Chalumingo Chinahichi Ngwaputukile kuya kuli Ndumbu walunga Caubles. Kaha Ngwevwile eli liuka lya bell kwimba, kaha Ngwatambukile nakuya nenyi muze muchipango. Ngwahonene kwimana. Mukiko kaha. Ngwevwile, shikaho Ngwa—Ngwa—Ngwatela kushikumuka.

⁴⁶ Shikaho jino echa tunongamenu mitwe jino nakuhanjika kuli Tengi yetu, kaha jino mu lizu lya kulomba. Kuliko muthuumwe kutonda chakulimanyina? Zundula kaha mavoko enu, hanjika kaha, “Ngwa. . .” Kuchilingisa echi kutachikiza.

Kalunga natachikiza chumamuka chili mumuchima wove. Jino twalilaho kutonda chove muvishinganyeka vyove.

⁴⁷ Kalunga Wakujila chikuma, Uze atangile Melu na mavu ha Lizu lya Lyove, ha vishinganyeka vya vishinganyeka vya vishinganyeka Vyove, etu tuli nakwiza Kumeso Ove, kuhichila muli Yesu Kulishitu, Mwata wetu, kuhana Ove kusakwilila hali vyosena vize Ove unalingi. Kaha etu tuli vakusakwilila kuli Ove, Mwata, chimene chino, kutachikiza oho etu tunemanyina, kutachikiza chihela chize etu tulimo chimene chino, kaha na mujimbu walwola, kaha nalutwe luli nakwiza. Kutachikiza lelo, nge ha likoji lya Kalunga, nge etu vanakoso na Manyinga a Kavali, nge etu tuli vakulizanga, na lufwelelo mukachi ka michima yetu, kuliwana na Ikiye kachi Ikiye atela kwiza lelo. Etu twatela kuhanjika, “Numba ngocho, twaya, Mwata Yesu.”

⁴⁸ Kaha etu twamono shili kulilunjika, palanga kuoloka nege kaye kutalyangila mwishi ya kukola cha shila. Omwo chize kunwa na kusekasana chawiji, na motoka, kaha thwamina, kaha, Ove Kalunga, majilo, kaha majilo na ulova wa vathu. Kaha omu vakiko, kachi vakiko vanahase kaha kutachikiza, Mwata! Kumana vathu, vaze veji kuvwalanga nge ngachize muli aze mauvwalo akuzeneka kumokomoka kalunga, kaha kuya nakulovoka mujila, vakiko vanatachikiza nge vakiko kaveshi chumako shina tuzengwe na lukungu, nge apamo mumulungu ukwavo nge matupa vakwavo vali nakulya mujimba uze vali nakutohwesa? Kumana vakiko vatachikiza nge vambimbi makumbi navaya nakulya chikupu, kaha mwono wavo nauya nakupwa kuze mu Hayamyaka chakuzeneka Kalunga, chakuzeneka Kulishitu, chakuzeneka litalililo, kunuka chikuma, kupwa muwashi kunonga ha Kwiza Chenyi? Ove Kalunga, tuhane etu mazu aku—akuhuhumuna, nge etu tunahase kuhuhumuna kala mwono wa echi ponde vakiko vali nakupandama.

⁴⁹ Pwenu na etu lelo. Tuhane etu “mazu a mangana,” nge omu Solomone ahanjikile mu Kulinangula, nge etu natuya nakupwa “vakakutunga vakamangana,” nge etu natuya nakupwa “tufunga twa echi kuliwana.” Kaha etu kulomba, Mwata, nge etu tuli nakutonda mazu akuhanjika, nge vakiko kupwa—vakiko navaya nakupwa vyakusonga vize navaiya nakukwata ha muchima uze etu twatondo hano chimene chino.

⁵⁰ Etu katwejile nakukunguluka mwahi ya kuzuma cha fulumba lelo, manga vatumoneko, oloze etu tuneza hano mwomwo etu twakuzanga Ove, kaha mwomwo etu tuli nakufwila kwivwa kufuma kuli Ove. Ove unapu Wakuzanga wetu uze etu twazanga, kaha etu kufwila kwivwa Mazu kufuma kuli Ove. Etu tuli vakusakwilila ha chuma etu tunevwu lyehi. Nachiya nakutwama nayetu. Jino tuhane etu chihanda nge Ove uli nayetu lelo, shimbu tuli nakuvandamina Ove. Etu twalombo echi mu Lijina lya Yesu, na hali Ikiye. Amena.

51 Jino echi chili . . . [Ndumbu wapwevo kuhanjika mumalimi, ndumbu walunga kulumbununa—Muka.]

52 Etu tunawahilila ha kutohwesa kufuma kuli Shipilitu, vakiko kutulweka etu na kuhuhumuna etu kutala Mazu mangana pamo Shipilitu Wajila mwaya nakuhanjika kuli etu lelo. Kaha etu tunahono kutachikiza chuma muka Ikiye ali nakutulikila chetu, oloze etu tunatachikiza nge kwatela kupwa chumachimwe chize Ikiye mwaya nakuneha. Pamo chihula chili muvishinganyeka vyove, nge Ikiye mwaya nakuhanjika kuhichila muze. Ikiye nahase kuhanjika kuhichila mu Mujimbu chimene chino. Ikiye nahase kuhanjika echi ufukuuno ha kutanga. Ikiye, kumwe lelo, Ikiye ali nakweseka, kutala nge, kuhuhumuna mthuumwe kukwata Mazu.

53 Jino kufukununa ku Lizu lya kusoneka, echa tuyenu ku Mukanda wa Kulovoka, ha kunangula cha Chalumingo cha Chalumingo.

54 Ove uli na kutanga cha lujimiko? [Ndumbu walunga Neville ngwenyi, “Nduma, keshi palanga na sikisi koloko ya chingoloshi.”—Muka.] Nduma. Kutanga cha kujimika chili ha sikisi na musana.

55 Echa tuyenu ku kapetulu 17 wa Kulovoka, kaha kuputuka na—na vasi 5, Ngwafwelela, vasi 5 na 6 ya kapetulu 17 wa Kulovoka.

Kaha YEHOVA ambile kuli Mose ngwenyi, Hita kulutwe lwavathu, kaha yako navakulwane ja va Isalale vamwe; kwata mukombo wove kulivoko lyove, uze ove wavetesele kalwiji, kaha yako.

Tala, nangwimana kumeso ove . . . ha lilolwa lize lili mu Holove. kaha . . . naukaya nakuveta lilolwa lize, kaha nakukalovoka meya mangana vathu vanwenga. Kaha Mose alingile ngocho kumeso avaze vakulwane java Isalele.

56 Jino kachi Ngwatela kuvuluka echi kutanga cha Shikola yayindende ya Chalumingo, Nanguzanga kumbata mutwe wachihande ha chimene chino kupwa kutangisa, *Meya Aze Apwako Lika Akufuma Mu Lilolwa.*

57 Etu tunatachikiza nge Isalele napunga lwola lwosena wakutalilaho liuka. Mwomwo, Isalele apwilenga vathu ja Kalunga palanga vakiko vejile nakulovoka mu Ejipitu, kaha jino vakiko vapwile liuka lya Kalunga mwomwo vakiko vapwile vakuhandunuka kufuma kukaye kwosena.

58 Kaha omwo etu tunalihandununa kufuma kukaye kwosena, kahajino etu tuneza nakupwa liuka. Oloze kachi nge natulilimba hamwe na kaye, jino etu kaha katweshi muliukako. Jino Ngunafwelela nge kuya nakujiminyina, kupwa na chihela. Talenu, etu katweshi liuka ko palanga etu tunalihandununa

kufuma kukaye. Lihandunune etu vavene, lovokamo muli vathu vakuzeneka kutoma, kuhona kuzata navo, kaha kuhona kutambula jishili javo. Toka kayeshi na vakakuzeneka kufwelelako, oloze lihandunune ove lyavene kufuma kuvyuma vya mukaye.

⁵⁹ Kaha omwo Isalele apwilenga mu Ejipitu, vakiko vapwile vathu ja Kalunga. Kahajino omwo vakiko vamusanyikile, mokomoko kupwa na kulovoka, kwiza nakulovoka, kahajino vakiko vamusanyikile liuka, mwomwo chapwile jino vakiko valihandunuine kufuma kukaye kwosena.

⁶⁰ Kaha Lizu livene lyakuvuluka *liuka* lyapwa kulumbununa “vaze vakusanyika kaha vanavafumisa.” *Kulovoka*, “lovokenumo.” Umwe wosena muli etu, nge Vakakulishitu, apwile na kulovoka muchiyoyelo chetu. Etu twapwile na lwola kuze etu vatusanyikile nakutufumisa mumakulikata, kusanyika kaha vakufumisa mukachi ka vathu etu kulikata na, kaha kwiza navathu vakuhandunuka, kutambuka na vathu vakuhandunuka vaze azachile mujila jakuhandunuka na kuhanjika mujila yakuhandunuka. Echi chapwile kulovoka mu kuyoya chetu.

⁶¹ Chitalilo chambwende Isalale atuhanyine, omu Kalunga avasanyikile nakuvafumisa. Vakiko vapwile na kulovoka, kaha valovokele kufuma mukachi ka—ka vathu vamukaye, kaha kwiza nakupwa lifuchi lyakuhandunuka, kuli Kalunga, vathu vakulimanyina. Vakiko vatambukile mwishi ya muvwimbimbi wa chitwamo cha keke. Vakiko vayoyele na kutambuka na Panda ya mulangi wa Kakahya. Kaha Kalunga avanehele kufuma ku Ejipitu, kulifuchi lize Ikiye ashikile.

⁶² Kaha, muli echi kulovoka, vakiko vavahanyine twamina wa mushipilitu, twamina, uze apwile Mose, kapolofweto wamunene wakuwavisa uze apwilenga kaha—kaha chindume. Ikiye apwilenga muthu wakalunga, ikiye asemukile muthu wakalunga. Kalunga amusanyikile ikiye kufuma kuli naye, shimbu kanda luze lwola; Kalunga amutongwele ikiye shimbu kanda kwala chihela cha kaye, kupwa twamina kuli chize chisemunuino, kuneha echi kulovoka kuli vathu.

⁶³ Hano lwola lumwe kunyima okwo, Ngwahanjikile kuli vana vavandende hano mu mbalaka, kaha ngwapwile na kutangisa chachindende hali vakiko; kaha amulwekele, mokomoko kuhana kusoloka chachindende cha omu Jochebed, omwo ikiye alombele, na Amram, ise ya Mose, ha kulinga chumachimwe ha kusokola vathu. Kaha Amram amwene chimweno cha Kalunga kwimana, mokomoko Kangelo, kwinyika ku kuto, kaha amulwekele chumamuka nachisoloka. Kaha uze Mose wamundende apwile wakuzemuka. Kaha vakiko kavevwile woma wa jishimbi ja Mwangana, chipwe vyakuvavwisa woma. Vakiko vatachikijile nge Kalunga apwile na livoko Lyenyi hali Mose, kaha chize chakumishile. Echi chakwoloka.

Chimbwethuhu chumauka mwangana ahanjikile, nyi mulingu ya kaye yahanjikile ika, chumauka kalchuma nawa yahanjikile, vakiko vatachikijile Kalunga apwile na livoko Lyenyi hali Mose. Shikaho kavapwile nawomako wakumwecha, muze vene mukachi kavangandu; omu vakiko vakiko vapwile vosena vakununa na vana vava Hepeleu, vavalishilenga vaze vangandu. Kaha oloze Mose apwilenga muze vene mukachizuma kakandende kaha kumuhaka mukachi ka va ngandu, muze vene muli vakiko. Mwomwo, vakiko kavavwile womako, vakiko vatachikijile nge Kalunga apwile na livoko Lyenyi hali Mose.

⁶⁴ Chamwaza, jino, kachi etu tunahase kaha kutachikiza chuma chochimwe, uze Twamina wamunene, ou Shipilitu Wajila, Kalunga natumu Ikiye, kaha Ikiye napu Twamina yetu, kaha chipwethuhu kaye nakahanjika ika, kaha omu vakiko navakuseha nakukulingisa kupwa wakusehewa, etu kukavangiza Twamina! Kalunga atumine Shipilitu Wajila kupwa Twamina yetu. Talenu? “Chindende kaha kaha kaye kakeshi Kungumonako chekako. Oloze enu namukaya Nakungumona, mwomwo Nanguya nakupwa na enu, namuli enu, nakusongo ya kaye.” Shikaho, Twamina yetu wamunene ali na etu, Shipilitu Wajila. Jino etu twatela kukavangiza ou Twamina na kulinga nge omu Ikiye eji kuhanjikanga kulinga. Kaha ou Twamina keshi kuhasa kutufumisa mujila kanako, Ikiye mwaya nakulama etu mujila ya Chisoneka lwola lwosena. Oloze Ikiye keshi kuhasa kuya kusali *yimwe* na chumachimwe, kaha kusali *ya* chumachimwe. Ikiye mwaya nakutwama mujila ya Visoneka.

⁶⁵ Kaha Mose apwile namulimo wakumbata va Isalele, kaha kukavangiza jino nakuvazawisa Kalungalwiji Uchila, kusali ya Yotau, muze vene mulifuchi lya lushiko, muze vene mupambo. Uze kapwile Mose ko afumine mujila. Kapwile Kalunga ko afumine mujila. Vapwilenga vathu vafumine mujila, chikiko chanehele ukalu. Shikaho, echa tushinganyeke vyuma jino. (Ngukonekelenu.)

⁶⁶ Mose, kupwa twamina wakuwavisa. Makumishilo, omwo ikiye asolokele kuli vathu, ha vinjikizo na vikomwesa, nge Kalunga ukawenyi ahashile kulinga, ikiye azachile evi vinjikizo na vikomwesa kumeso ava kulwane ja Isalele, na kumeso a Isalele, palanga vakiko vapwile vakusuuluka nge uze Mose apwile umwe wakuwavisa uze apwile wakuwafumisa muze mulifuchi, kutwala kulifuchi lya ukalunga lize vakiko vavashikile. Kahajino omwo vakiko vamwene vyuma vyavinene vize Mose alingile mu lijina lya Kalunga, vakiko vapwile vakulizanga kumukavangiza ikiye. Kaha ikiye avambachile nakualovolamo, avatwamininyine nakuhita mu Kalungalwiji Uchila, kuzauka, apwile ha lifuchi lyaumu, kaha muze mupambo, kulumbununa lwola lwa kweseka.

⁶⁷ Omwo mukweze mwatambula Kulishitu kupwa Mulwilo

wenyi, vyuma vyosena vili helu lya zuvo. Oloze, shimbu kanda ou muthu mweza nakwingila mulujimiko lwa Shipilitu Wajila, ou muthu, ikiye atela chatete kupwa na mukakujilika. Ikiye atela kupwa na lwola lwakweseka muchiyoyelo chenyi. Enu vosena mwapwilenga nacho. Ikiye apwile na lwola lwakweseka. “Kala mwana uze mweza kuli Kalunga, chatete kuvangila kumutenukila, kuzangamisa, kumuzangamisa. Kaha kachi etu katweshi kuhasa kwimana kuzangamisa ko, kahajino chinasoloka etu katweshi tuvana va Kalunga ko; etu tunapu vana vamuujila, kaha keshi vana va Kalunga ko,” eyi Mbimbiliya mukiko yahanjika. Oloze kachi etu tunahase kwimana kuzangamisa, kutachikiza nge “vyuma vyosena kuzachila hamwe nakuneha kuwaha kuli vaze vamuzanga Kalunga,” kahajino etu tunapu vana vamaunga na vamaapwevo va Kalunga, kahajino Ikiye atujika etu na Shipilitu Wajila palanga na likumbi lya kusokoka. Talenu, chize chikiko kuzangamisa, kukola, chuma etu twatela kuhitamo.

Kaha Isalale, kupwa nge muyachi wa mujimbu wamwaka, atambwile kuzangamisa.

⁶⁸ Jino, omwo vakiko vapwilenga mu Ejipitu, kaha Kalunga atumine Mose. Kaha ikiye olwele mukombo, na vajiji na vajina kwiza mumavu. Ikiye olwele na musana, kaha chayile. Ikiye olwele meya, kaha vakiko alumukile manyinga. Mwomwoika, Isalele apwilenga ku Kanane...mu—mu Goshen, kupwa na lwola lwa upahu; uze musana kahashile kushikumuka hamavuko, maukalu kawahashile kuvavavetako; vakiko vapwile kaha nakupwa na lwola lwamwaza!

⁶⁹ Kupwa kaha nge omu chalingikile na enu omu vamilwilile chatete. Vyuma vimwe, tujila kwimba mwaso yakuhandunuka, na kalamuthu uze apwile uyema. Kaha, mamaah, yami, omu vyumavyosena vyapwile vyakuzeneka uhya omu vamilwilile chatete! Jino kwejile lwola lwakweseka, kuzangamisa, lwola lwakujilika kulijilika ovelyavene kufuma ku vya kukaye, “kulika kusali vyuma vyakulemuwisa washiwashi nakutuzeyesa.” Ove, lunga, atela kwimika kunwa makanya, kwimana kunwa chove, imika kuya na kukapete ka chijiva, ovyovyenu vya vilika vyaufuku wosena. Vyuma vyosena, ove watela kujilika ovelyavene kufuma kuli vakiko, ha lufwelelo mu Manyinga a Yesu Kulishitu. Kulijilika ove lyavene! Enu mapwevo mwatela kwecha jikambu jenu kusuwa, suwisena jindeleji jenu, nakuzata wakuhandunuka kuhambakana omu mwapwilenga. Lwola lwakulijilika! Lwola lwaluvulu vakiko vahashile kaha kukinduluka; chamwaza, uze keshi mwana Kalunga ko, talenu. Mwana Kalunga kusoloka vene ku Kavali, kaha kutachikiza nge echi chili cha mwaza.

⁷⁰ Shikaho jino kuli jila ya lwola, kuze kuli kuholoka chachinene kwiza, mu Isalele. Omwo eli lizavu lyalinene mulwola kana, kahajino vathu vaputukile kuholoka, kufuma

kusali yimwe na ikwavo. Jino muze mukushimutwila chavo, “Chamwaza, etu twashinganyeka kachi etu tukinduluke ku Ejipitu. Myono yetu kupwa mukumunyika cha mbolo.” Mujila ikwavo, kachi Nanguya nakumbata echi mumijimbu yamwaka jino, omu mukiko vakiko vahanjikile.

⁷¹ Jino mu likumbi lya kutona, nachiya nakupwa, “Mamalelo, ufuku wosena wa Muchitatu, kuliwana chakulomba! Kala chimene cha Chalumingo, kukinduluka kuliuka! Chumamuka etu tweji kwivwanga? Chuma chochimwe; uze mukakunangula emanyine na kunangula; myaso; kinduluka.” Talenu, kahajino enu muli nakuya nakupwa mumukana wa mulimo. Enu kamweshi muka kulifukulako. Mukakulifukula kuya kuze nakulifukula, kulisolola lyavene kumeso a Kalunga, kwalisa Kalunga ha kuwaha Chenyi; ku Lizu lyosena, ikiye emanyine hali Echi.

⁷² Kupwa kaha nge zangi ya kuyoya. Kachi ove muya na kanyike wapwevo mwomwo ove watachikijile nge unapu mulimo, mokomoko ove muya na kanyike walunga, omwo ove wapwile mukweze. “Mama natondo yami kuya na ou mukweze, oloze Kangweshi kuhasako kupwa na Ikiye.” Ove kaweshi kupwa nakala chuma na ikiye kwiza nakumona. Mokomoko, kachi echi chili mujila yoyimwe hali uze kanyike wapwevo kuli uze kanyike walunga, mokomoko kanyike walunga kuli uze kanyike wapwevo. Ove yako na ikiye, ikiye kukutuva ove; mama natondo ove kuya nenyi mwomwo ikiye napu muyachi wa kanyike wapwevo uze mama azanga. Talenu, cheji kukunyengetesa; vyuma vya zangi. Oloze enu kamwazakamamko, enu kamwazangile kutomesako, enu kamwatondele kuya nakumumonako. Kaha echi chili... Mwomwoika, echi chinapu chuma chachikalu. Kaha omwo ikiye ali nakwiza na kumona ove, yami, ove kachi kaha ikiye mwaya nakuzangula, yako kwimbo.

⁷³ Omu mukiko mujila yoyimwe omwo ove, “Mwomwoika ikiye mwanangula ngocho? Ngachilihi *echi* chuma chosena, na vyuma vyosena?” Talenu, ove kaweshi zangi ko.

⁷⁴ Oloze omu ove vene musukama kukala Lizu, nge omu Shipilitu akuhanyine kuhuhumuna chimene chino, talenu, “Kusukama kukala Lizu.” Chize chinahase kupwa chuma Ikiye napunga nakuhanjika kuli enu hali echi. Kukwachilila! Echi chinapu Kuyoya cha Hayamyaka, kala Lizu lya Kalunga. Echi chinapu kuwahilila kuya kuliuka, mwishi ya kala ukalu. Chipwethuhu kunazumu, kunatutu, mukuhandunuka, chipwe vathu vali nakulipika, kulikindujokela, kalamwosena vakiko vali nakulinga, echi chili lika kuwahilila kwivwa eli Lizu lya Mwata. Kahajino ove uli mu zangi jino na Kulishitu, talenu, ove wamuzanga kuya kuliuka.

⁷⁵ “Chamwaza, uchi wami, hano hali Chalumingo nachimene

cheka, Ngunashinganyeka etu twatela kusana uze winyike kaha kuya nakushikumuka. Yami, chili nakuzeyesa!” Talenu, enu kamweshi muzangiko.

⁷⁶ Oloze kachi ove uli vene mu zangi, ove kaweshi kuvandamina palanga Chalumingo na chimene kwiza, ove watela kupwa kuze na vakiko. Kaha etu natuya, na kuseza. . . Vathu ja Kalunga, vakiko kavambachile oveko. Mwomwoika, vakiko vanapu—vakiko vanapu vandumbu vamaunga na vamaawevo. Nge omu ngwapwilenga nakuhanjiika, “Enu mbatenu kuhima nge chindanda cha masangu hachimene chituta.” Echi—echi kacheshi kupwa, nachiya kaha nakutwama hamwe munatachikiza, kukasa chikuma. Jino, echi chinapu kuhanjiika cha manya, oloze chinapu—chinapu—chinapu kweseka kwecha enu kutachikiza chumamuka omu Ngunatwale, mwamono. Enu pwenu hamwe. Kaha nge nakututa chikuma, kaha nachikola chikuma. Kaha omu mukiko chatela kupwa na etu. Kututa. . .

Omu masepa vahamavu navangukana,
Nangupwa lika wakulihaka chikuma na Ikiye!

⁷⁷ Kaha chuma etu twazanga, umwe namukwavo, keshi mwomwo etu twapwa mthuumwe; oloze ali Kulishitu muli umwe namukwavo, nge etu twazanga, mwamono. Ali Kalunga uze ali muli vathu, uze etu twazanga. Jino etu twazanga kwiza hamwe. Etu twapwilenga nakwimba mwaso wamwaka:

Kukisula lungoji lunahase kukasa
Michima yetu muzangi muli Kulishitu;
Shimbu kanda Litanda Iya Tata
Echi chili nge Helu. (Talenu?)

Chize kulikata cha vishinganyeka
vyambwende
Chili nge Helu.

Kumeso a Litanda Iya Tata,
Etu kuhingununa malombo akulihana chetu;
Woma wetu, malutalililo, kufwila chetu kupwa
chimwe,
Kuvendejeka na kuzakama chetu.

⁷⁸ Talenu? Eyo, mwane! Omwo umwe apwile na kukisula, etu twawahilila hali echi. Omwo umwe apwa chaushona, etu twapwa ushona na ikiye. Etu—etu twatondo vosena kupwa hamwe. Jino omu mukiko mujila etu twatelanga kupwa.

⁷⁹ Kaha omu mukiko mujila Isalele atelele kupwa. Oloze echi chejile nakupwa chakufunda, “Mamalelo, eyi mbolo yamwaka!” Vangelo, “Chamwaza, chuma muka etu tweji kuzakaminanga ha mbolo yamwaka? Myono yetu kupwa yakujijila! Kaha vyuma vyosena vinapu vyakuhenga. Kaha—kaha eyi mana yamwaka ize yeji kuholokanga ufuku wosena, mwomwoika, etu twatela kupwa na garlic na leas kufuma ku Ejipitu.” Mwamono, michima yavo kayapwile yakulinaga ha ungejiko.

⁸⁰ Kaha omwo lunga mokomoko pwevo aputukile kuyayavala ha kuya kuliuka, vakiko veji kupwa vakuzeya kuya kuliuka, vakiko kaveshi vakulizangako ha ungeji. Echi chakwoloka. Kuli chumachimwe chakuhenga kumwe.

⁸¹ Mamalelo, omwo ove wamuzanga Kalunga, kaha kushinganyeka ove muya Mwilu, kaha enu vosena muli nakuya hamwe:

Kulikata kana, chuma muka kuwahilila cha
Ukalunga,
Kukundamina ha livoko lya hayamyaka;
Mamalelo, chuma chakukisula na Mwata
shikaho hakamwihi,
Kukundamina ha livoko Lyenyi lya
hayamyaka.

Chumamuka . . .Etu tweji kwimbanga eyi myaso.

Etu tweji kulipangila kupwa chetu hamwe,
Viteli vyetu kuvimbachila hamwe;
Kaha kakavavulu vyeka kukavangiza
masoji akuushona.

Omwo etu navatupula muvihanda,
Cheji kutuhana kukola chamukachi;
Oloze etu natuya nakupwa namuchima
wakulinunga,
Kaha lutalililo kuliwana cheka hakuliwana
cheka ha lwola lwakuliwana nalukezaho.
(Eyo, mwane, hanga kulinunga
mumuchima!)

⁸² Jino ove uli wakulizanga lyehi muungeji, talenu, ove uli wakulizanga kuya Mulifuchi lya lushiko. Lwola lwa kweseka, kuze kuli ponde hamavu; muze mupambo, lwola lwakweseka.

⁸³ Isalale, mulwola lwenyi lwakweseka, ikiye engilile mukuyayavala na kulipika na umwe namukwavo, kaha kulya mbolo. Kaha vakiko vatondele kukinduluka ku Ejipitu.

⁸⁴ Kaha jino vakiko vaputukile kuyayavala hali twamina yavo. Mamalelo, vakiko vapwile nawoma nge ikiye apwile nakuvatwaminyina kwakuhenga; hanyima ikiye alisolwele lyavene kupwa twamina, kaha Kalunga nenjikijile nge ikiye apwilenga twamina. “Chamwaza, apamo etu kuzata chindende mwamwaza. Kaha—kaha pamo etu kufuma mujila, kuya mujila yakuhenga,” mokomoko, chumachimwe nge ngachize, talenu, vakiko vapwile nakukemesa Kalunga na hali Mose, Kalunga na twamina Yenyi.

⁸⁵ Jino omwo etu natuheta kuchihela, kuhanjika, “Ngunahono kutachikiza nge eli Lizu kulumbununa *Echi*, mokomoko nduma,” kaha, “Ngunahono kutachikiza hali Shipilitu Wajila;

Nguli wakukakasana na Chize. Ngunatachikiza veka vase kaveshiko.” Chamwaza, kuya ku Ejipitu. Talenu?

⁸⁶ Oloze kachi ove uli vene wakufwila kutwama mujila, twama mwakwoloka na ou Twamina, ou Shipilitu Wajila, twama vene na Lizu. Kaha kachi enu namutwama na Shipilitu, Mwaya nakumilama mu Lizu. Echi chakwoloka. Mwaya nakukumbata kumihaka mumukana, mujila ya Lizu. Kaha kanda kwivwa womako wa Echi. Echi kacheshi kuhasa kukolesa chuma chimweko, Echi nachiya nakukukafwa ove kachi ove uli nakukukolesa. Echi nachiya nakukolesa vosena, ou Shipilitu Wajila mwaya.

⁸⁷ Jino etu kuwana nge, hakuya mujila, hanyima vakiko vambachile echi, vakiko vejile kuchihela cha Holove. Kaha H-o-l-o-v-e, Holove, jino etu kuwana nge. . . Echa kuhokola lize lijina hamavu. Haze hakiko eli—eli lijina lya *Holove* kulumbununa “chihela chaumu” mokomoko “mulikundu.”

⁸⁸ Kaha omwo etu natufuma mukulikata na umwe namukwavo muliuka, kaha kulovoka mukulikata na Shipilitu Wajila, nachiya nakutuneha muchihela chaumu, mulikundu, kwauchi nachiyoya, vyumavimwe kupwa nakukakachila hali echi. Talenu, nge—nge likundu, chihanda chachindende cha makande asaduwa nakukakachila halilikiko. Munatachikiza omu chili chize? Chize chinapu chamwaza nakalifwo kamwazaa kandembendembe kanda lyehi kapwenga na meya, kanafumu kaha muze mwakulikwata palanga nakakachila. Kaha omwo enu namumona muthuumwe nge ngachize, pamo unapu mwono wamwaza uze vanahase kukatukumwina kanawa, kachi kanapunga kalifwo kandembdendembe mokomoko chumachimwe. Oloze kachi kapwenga ngachize, nakajinga kavene palanga nakominyina, nakupwa kaha na paenga na vyuma vimwe, munatachikiza, kuwana mulonga. Chuma chimwe kaha chinatondeka shina meya. Mukiko kaha. Echi chili kaha nakutondeka na—na kuhizumuka, mokomoko kuhokoka, na kukasunuka kufuma kuli Mwata. Nachiya—nachiya nakulifukununa kavene, kachi ove muya kaha nakuhaka chize kulifwo.

⁸⁹ Oloze, muze mukiko vakiko veji kuyoyela muli chize chihela chatela kuyanda na chiyoyelo cha chize chihela. Kaha vase vanafwila kuyoya mumuyachi kana wa wautangatanga, wa vyumavimwe kupwa na mapenga na kulipika, na kukokojola na kulipika nge ngachize, chamwaza, ove muya kaha nakuyoya mwishi ya utangatanga, muli vyosena. Oloze etu katweshi na kuyoya kuzeko, echi kacheshi chakutamoko kuli etu kutwama kuze.

⁹⁰ Jino, muze mu Holove mwapwile chihela muze Kalunga apwile wakunyengetesa na vathu, Mwomwo vakiko vakimbwojokele muze muchihela kaha kupwa mulize seteko.

Kaha Ikiye avanehele nakujinguluka kuli chize, mwomwo vakiko kavatambuka mujila kanako. Vakiko kufumamu—mu jila yivene, kufuma kuya kusali ya jila. Kaha jino chanehele Kalunga kulinga chuma chimwe chize chapwile chachilemu. Ikiye... Alingishile Kalunga kupwa na Mose kumbata mukombo wakusopesa uze asombesele nawa lifuchi, na kuveta Lilolwa, kuneha meya.

⁹¹ Jino, kuli kulinangula chamwaza hano kachi etu natupwa nacho, talenu. Kaha mwomwo chize etu kupwa nakulovoka kufuma mujila, kaha kaye kukashiwa, na vyuma, echi chalingishile Kalunga kumbata kusopesa cha kaye na kuveta Mwa Nyenyi Lyavene na echi, ha Kavali, mangana etu tupwenga vakukasunuka. Enu mwamono omwo Ngwatwale?

⁹² Jino, mangana kuhana kupw vathu meya akunwa, hanyima vakiko vayile kuze, chize chihela chaumu chapwile kavali. Kaha kuze Kalunga amulwekele Mose, Ikiye ngwenyi, “Mbata mukombo na vakulwane, na kuya, kaha Nanguya nakwimana hali Lilolwa kumeso ove.” Kaha eli Lilolwa lyapwilenga Kulishitu. Kaha Mose, na mukombo uze anehele kusopesa ha lifuchi lya Isalele, ambachile mukombo woumwwe na kuveta kusopesa cha Kalunga hali lize Lilolwa. Talenu? Ikiye ambachile jishili ja vathu muli ou mukombo. Uze, ikiye afetesele vaze vathu. Kachi kuveta vathu, ikiye avetele Lilolwa. Kaha Lilolwa, kuhichila mumilimo ya Kalunga, kuneha ulwilo, kuneha meya kuli vathu vakunonga. Chize chanehele kuyoya kuli vathu vakufwa. Kaha chize chikiko chumamuka Kalunga alingile kumbata wanda Wenyi—Wenyi mukombo wakusopesa, kaha kukumisa jishili kaha jishili jenu kujinguluka ou mukombo; omu etu twatela kuveta etu, oloze chamukwachile Kulishitu; chize kufuma kuli Ikiye kwiza na meya, kulumbununa “Shipilitu,” uze Shipilitu Wajila ejile nakufuma kuli Ikiye, kutuhana Kuyoya. Jino etu tuli na Kuyoya cha Hayamyaka. Jino, lize Lilolwa lyapwilenga Kulishitu. Jino etu twatondo kutalisa.

⁹³ Ngunamono vakakutanga vavavulu kuswita kufuma kuli lize Lililwo. Ngwamwene umwe kupwa waku jiminyina chikuma, keshi kunyima chikumako, palanga kuze kwapwilenga na—na lilolwa lyalindende kupwa helu lya pili. Kaha—kaha Mose atelele kupwa na lilolwa lya kuveta, kaha Isalele apwilenga muze na lupasa lwalupasa, kuvalingisa kunwa kufuma kulilolwa mwafumine kakaselwoke kulovoka mulilolwa. Jino chize chapwile kaha shishinganyeka chamuthumwe.

⁹⁴ Oloze omwo eli Lilolwa lyanehele meya Eyi, kuze kwapwilenga vathu vakuheta ku tu miliyoni, kufumisako vangombe, vangamela, kaha vyumavimwe nawa vize vyanuinenga muze muwina wa meya Yacho. Kapwilenga kalwiji wakufumisa meya na vyangocho muze!

⁹⁵ Omu mukiko mujila vakiko veji kwesekanga kulingisa

Kulishitu, ou Shipilitu Wajila lelo. “Echi chili kaha chakusapwile chindende.” Talenu, kupwa kaha chakutamo kukulingisa ove kufwelela nge kuli Kalunga. Nduma.

⁹⁶ Chize chapwilenga Meya akulisala! Ndavichi ambile ngwenyi, “Lupasa lwami lunazale!” Kapwilenga mukakufumisa Shipilitu Wajila.

⁹⁷ Vathu vali nawoma wa Echi. Vathu vamwe ngwavo, “Chamwaza, Nguli kaha nawoma chindende Nanguya nakulinga *echi* mokomoko *chize*, mokomoko kachi nakusoloka kuya nakushikumuka. Ngunahase kumisolwela enu muthumwe ayile chindende kwakusuku.” Oloze ove kaweshi kuhasa kwinyika kuli uze umwe kahashile kuya hahasuku chikumako. Talenu? Eyo, ngachilihi vaze vakiko kavayile kwakusuku chikumako?

⁹⁸ Jino, etu kupwa navathu vamwe kwingila mumusonyi, kaha kufumisa lipundo mwakuhenga. Kaha—kaha keshi Kalunga ko, oloze vathu vakwechi. . . Mwomwo ya twamina wamwaza, kaha navyangocho, kuvafumisa mujila yakuhenga, kaha vakiko kwingila mukutolekewa. Kaha jino kaye kosena, liyavolo ejikwinyikanga, “Talenu chize! Talenu chize!”

⁹⁹ Chamwaza, echa yami ngwimane chimene chino na kwinyika kunyima kuli ava teni miliyoni mukuvula vaze kanda lyehi vaputuke. Ngachilihi hali vakiko? Talenu, tala ha seteko yavo. Tala hali mukweze nge Eichmann lelo, na helu. . . Vakiko vambile ngwavo, “Ava vapendekosita kavatwama nachiyuloko kaha vakachimbalanyi, kaha vakiko kavatangako,” kaha navyangocho nge ngachize. Tala hali Eichmann, umwe hali malunga vakutanga vamuno mukaye. Kaha ikiye kuhaka mukufwa, vana sikisi miliyoni na mapwevo na malunga, myono sikisi miliyoni. Enu kamwatondele kwinyika kuli muthuumwe nge ngachize.

¹⁰⁰ Oloze mukweze wamundende uze kahashile kutangako, kuhona, kusanyika pamo lijina lya Mbimbiliya yakuhenga, kaha, mokomoko kuhanjika chumachimwe mokomoko kulinga chumachimwe chakuhenga, mokomoko kutunga nakulinga mwakuluwisa, newspaper natondo kusoneka echi kumwe, kaha kuhanjika, “Vakiko kavatela kuvafwelelako.”

¹⁰¹ Jino kachi echi kaveshi kuchifwelalako, mwomwoika keshi kutangako, vyuma na vakakutanga vaze vali nalelo? Tala hali Adolf Hitler. Tala ha mawongo a kaye lelo. Tala hali vakiko. Vyuma vyamwaka kuhanjiika, “Uze musoji wa kalukuluku wapwa wa chilunga.”

¹⁰² Chuma ove watela kulinga shina, na Shipilitu Wajila, kupangila chuma chakwoloka na chakuhenga, kaha kumbata chumamuka chili chakwoloka na kuhenga.

¹⁰³ Jino, etu tunawane nge echi Kavali nge vakiko vapwile nacho, kaha meya a kuyoya kulovoka muli vathu.

¹⁰⁴ Jino, vathu vamwe vali na michima yavo na vishinganyeka, mukiko kaha va Isalele kunwa, kaha jino vakiko kupwa na vangamela kaha kukasa jitoka havimbulu, na vyangocho, kaha kumbata vana venyi vavandende na kutambuka nakuya kweka, kaha kuseza Lilolwa kuze, kumwangila. Chize chakuhenga.

¹⁰⁵ Chize lyapwile Lilolwa kumukavangiza, kaha aze meya kumukavangiza. Jino mu Kolinde Watete, kapetulu 10, Ngwafwelela, kaha vasi 11, enu munahase kuwana echi, nge “Lize Lilolwa lyakavangijile va Isalele.” Kwosena vakiko kufuma lize likumbi kufuma haze, lize Lilolwa kuya na vakiko, kaha meya kuvakavangiza.

¹⁰⁶ Chifwanyisa chamwaza, kaha na—na kuwaha kukwachilila na chikungo cha mukakufwelela lelo, uze atachikiza lize Lilolwa lize vavetele, nge Meya aze lwola lumwe alimwangile kufuma ku Kavali, kuya na etu kwosena etu tuli! Mamaah, yami! Echi kacheshi kuya kunyima kuchihela chimwe, na kuhanjika, “Chamwaza, etu twalingile na Meya likumbi shimbu kanda zau, kuze.” Etu tukwechi Meya lelo, hano vene, mwomwo lize Lilolwa lyapwilenga Kulishitu! Kaha Kulishitu apwa youmwe zau, lelo, na hayamyaka.

¹⁰⁷ Talenu, lize Lilolwa lyakavangijile va Isalele. Vakiko kavakavangijile Lilolwa ko, oloze lize Lilolwa lyavakavangijilenga. Amena. Isalele ayile muungeji wavo. Vakiko vapwile na chuma chimwe chakulinga, echi chili kulama mulimo wakwoloka, muzevene kuya mulifuchi lyalushikoko. Kaha lize Lilolwa na meya kuvakavangiza vakiko.

... lize *Lilolwa* kuvakavangiza *vakiko*: . . .

Kolinde Watete kukulweka ngocho, kapetulu 10. Chosena chakwoloka.

... lize *Lilolwa lyapwilenga Kulishitu*.

¹⁰⁸ Kalunga ambachile kusopesa cha vathu nakuvahaka hali Kulishitu, na kumuveta Ikiye. Enu munatachikiza, kuze kwapwilengamwaji mu Lilolwa, kufuma haze jino? Lize Lilolwa lyapwilenga namwaji, muze Mose avetele. Kaha Kulishitu apwile namwaji, omwo Ikiye vamuvetele, “Ikiye vamulemekele hakuzombojoka chetu jishimbi, kaha ha mikiki Yenyi etu twahinduka.” Kufuma mu Kuyoya kwiza na Meya a Kuyoya nge etu tuli nakuwahilila lelo!

¹⁰⁹ Jino, mangana kutambula echi Kuyoya, anuka, chize Kuyoya cha Kulishitu kutwama na Liuka. Haleluya! Mamalelo, kachi etu tunahase chikungo chetu kuze ha minyutu teni! Kulishitu keshi kuseza Liuka ko. “Nanguya nakupwa na enu lwola lwosena, na kumakumishilo akaye.” Echi chili vathu vaze veji kuseza Kulishitu, keshi Kulishitu kuseza vathu. Vathu kuseza Echi, ha kuzeneka kufwelela chavo. Vakiko kuseza Kulishitu, keshi Kulishitu kuseza vathu.

110 Isalele kuzeza kaselwoke, keshi kaselwoke kuseza Isaleleko. Talenu? Mwomwo, eyi Mbimbiliya hatomato chize, “Lize Lilolwa na meya yakavangijile va Isalele.” Kavangizenu vakiko! Kwosena vakiko vayile, Chayile, nawa.

111 Mamalelo, Ngunatondo, chimene chino, kachi etu twapwanga na lwola, kwalumuka ku kapetulu 1 wa Yoshiwa, kuze Ikiye ambile ngwenyi, “Kwosena vilyachilo vya mahinji ove nawakalyatangila, Ngunalihane kuli ove. Kwosena okwo nauya, Mwata Kalunga kove na ove. Kanda kwivwa womako kala muthu. Pwako wakuhamuka! Kala kwosena ove mukahaka jitambo jove, Ngunoloka kuze na enu, chipwethuhu kuze chili.” Kalunga kuya na Yoshiwa!

112 Uze Kalunga youmwe ayile na Liuka Lyenyi chimene chino. Echa tunwenga kufuma ku Kaselwoke kuze. Kalakwosena ove mukalyata vimbundo, kuze kukiko Kalunga nakaya nakupwa na ove, kutukumwina na kukuhana Kuyoya. “Nanguya nakupwa na ove lwola lwosena, na kumakumishilo a chisemunuino.” Kulishitu youmwe zau, lelo, na hayamyaka. Eji jishimbi ja Kalunga.

113 Jino enu ngwenu, “Kahajino, Ndumbu walunga Branham, mwomwoika echi etu twahonene kulinga vyuma kana kahajino etu twatela kulinga? Nachipwa ngachilohi kupwa mawana na vyuma muliuka kalyeshi kwiza mumaulombo avoko, kuze yatela kupwa? Nyi liuka lyashi kuzundukako kwingila hazevene omu atela kulinga?” Vathu, mu lwola lwa kweseka, kuholoka nge Isalele omu alingile. Vakiko vashinganyekele nge Kalunga avasele vakiko.

114 Oloze, anuka, lize Lilolwa kanda lyehi lipwenga Isalele. Isalele asele Lilolwa, echi kuvulyama hali Lilolwa kupwa na vakiko lwola lwosena. Yapwile hazevene, kuya hamwe navakiko nakumakumishilo ya jila. “Yavakavangijile vakiko.” Kayapwile nge kuhanjika cha tundako. kayapwile kulovoka cha kwivwa nge hatundako. Mokokoko, kayapwile nakumona cha hatundako.

115 Kaha chipwe Kulishitu! Na Liuka lelo, Ikiye keshi nakuhanjika hahasukuko. Enu vamwe mwalimbuka, kaha kulinga mwomumwe mwakuhenga, kaha enu munajimbalisa kuwahilila, kaha Meya enu kuma. Ikiye hanga ali nakuhanjika hahasuku na ove. Ikiye kukukavangizanga ove. Ikiye atachikiza kala kutambuka ove na vyuma vyosena ove weji kulinganga. Ikiye kufwila kwivwa kusanyika enu Ikiye hazevene.

116 Kaha ou Pendekosita wamunene kutambuka lelo, Kalunga ali nakuvandamina ove kumusanyika Ikiye haze vene. Ove kaweshi nakuweluka wakuhanjika hatanda yayisuku na Ikiye ko. Chipwe twalingi mwakuhenga, kaha kuvulumuna, kaha kutalisa nyima hali Ikiye, kaha—kaha kulinga vyuma etu twatela kulinga, oloze ohonyi Ikiye ali nayetu. Kulishitu ngwenyi Ikiye mwaya nakupwa nayetu.

117 Eyi Mbimbiliya ngwayo, “Awa meya akavangijile vana va Isalele.” Omwo vakiko vapwile napwila, vakiko vatachikijile meya apwile hakamwihi.

118 Jino, vyuma kana vinapu vyakutwaminyina na jishimbi. Zachiso yosena ya Kalunga vayihakile ha jishimbi. Jino etu natuya nakumbata. . .Echa twimane ha munyutu.

119 Echa tumbate kaye. Kuya nakwalumuka, ha jiola twende fwo ha twende fwo mangana kupwa nakukumisa kujinguluka, kupwa mukukupuka chikupu, nge. . .Etu kanda lyehi, na sayasi yosena, kulingisa kutala kulama lwola lwakukupuka. Kamwe halwola, jiwochi jambwende vakiko kupwa, kuhita mumwaka, kuya nakungalanya mokomoko kujimbalisa minyutu yayivulu. Oloze kaye kahonako oloze chuma ikiye ali wakwoloka kuze ha second. Echi chili chakukupuka palanga sayasi lelo, vakakutanga vatanganyika kumilweka enu, mu myaka twende kufuma jino mokomoko myaka fifite kufuma jino, kupwa vene musana na kakweji kuya nakuhita umwe navakwavo. Omu nayiheta mujiola twende fwo kujinguluka, kaha kwalumuna lwola nakujinguluka hakujiinguluka cha ngonde, echi kachahashile kujimbalisa muze mwakuhita. Haleluya! Echi chili chakukupuka, mwomwo chili na kulaha kutesekesa na lushimbi lwa Kalunga.

120 Vakiko vanatachikiza vene omu kukashiwa kuya nakulovoka, munyutu kaha, mwomwo vakiko vanatachikiza lwola muka kakweji mwaholoka. Kaha Kalunga atwama na vyuma vyosena kuhaka muchiyulo ha lushimbi. Kaha omu kakweji kushikumuka, kuya nakwingila mukukashiwa na echi. Omu uze kakweji kwiza, hano kwiza nakukashiwa na echi. Kaha vakiko kutachikiza vene, hakutala, omu uze kakweji kuya nakushikumuka. Vakiko vanahase kuhaka ha almanac calendar ha myaka kulutwe, kaha kumilweka, kumunyutu, omu kukashiwa navaya nakuputuka kuholoka. Punduvene, mwomwo ize ikiko jila kakweji ali nakulovoka, mwomwo vanachihake muchiyulo cha lushimbi lwa Kalunga.

121 Ngwemanyine, likumbi likwavo, ku Michigan. Kaha Ngwayile ku Chijiva Chachinene shimbu kanda, mujila yakuya ku Canada, uze mujimba waunene wa meya. Kaha Ngwemanyine kuze, kaha Ngwashinganyekele, “Vangahi jimalosi vili nakuhita mwishi ya meya hano?” Kaha jino hanyima Ngwazaukile Mich- . . . , mokomoko, Chijiva cha Superior, nanguya nakwiza nakwingila Michigan, vosena kupwa hamwe na kuvulu cha meya. Kaha kuze, kufuma ku Chijiva cha Superior naku Chijiva cha Michigan, kufuma ku Chijiva cha Michigan naku Chijiva cha Ontario, kaha kupwa. . .kaha Huron, kaha vosena vijija hamwe. Jiola jambiliyoni jingahi ja jiola jajimbiliyoni jimbimbiliya, kaha meya atuta kupwa mukachi ka chijiva!

122 Kaha kuze mu Nevada, kaha mu Arizona, New Mexico,

Eastern California, kuhaka jimiliyoni ya acres ya vikamba, kuwema cha musenge. Aze apwile na wilo, kachi aze meya anahase kuya hamavu, eli lifuchi kuhasa kulisa kaye, chakuzeneka kala muthu wazala, kaha kupwa nasoso kumbila mukalungalwiji. Echi chakwoloka! Jize jimiliyoni ja acres muze mwakulile na kuvulu ja jiola ja jimiliyoni ja kuvula cha jitamba na kavichi, na makunde na—na fwakufwaku, kaha radishes na celery, na matende, kaha vikwavo. Chize chihela kuya nakukula, echi chili—echi chili hakupwa kuze mumeya.

¹²³ Kaha hano hali meya ali *hano*, kaha hano hamavu ali *hano*. Jino etu tunahase kumona echi, kaha etu tunatachikiza nachiya nakulingika, mwomwo etu tunahase kweseka meya na kumona echi kututa, kaha kweseka mavu kaha nakutala wilo. Jino, vosena kufwila nge etu tunahase kulinga, nakuya nakuahka vakiko hamwe. Oloze, kuze mujishimbi, kaha luze lushimbi lwakukokoka mumavu. Jino, kachi etu natuya nakuzata kutesekesa na kukoka hamavu, etu tunahase kalachuma chize lize lifuchi, kumbata meya kufuma muvijiva na meya. Oloze etu natuya nakuzata kutesekesa na lushimbi lwakukokela hamavu. Etu katweshi kufwila kuze. Etu katweshi kukoka kuze. Etu katweshi kutambakana kuze. Etu twatela kuzata kutesekesa na jishimbi ja kukokela hamavu, kupwa kuze. Kalunga kuhaka vyumavimwe mulushimbi.

¹²⁴ Hano, Ngwapwile nakushinganyeka, Ngunahono kutachikiza nge Ngwamilwekanga evi, mokomoko chiku. Ngwapwile ku Kentucky, kuhangasana mihale, na Ndumbu walunga Wood, pamo mwaka umwe. Kaha etu...Mihale vapwile nge chiveza, kaha shikaho etu twayile kuze kuzuvo ya mukweze, nakuwana muunyanga. Muthu nahase kupwa namisenge yayinene, kaha haze hamisenge nahapwa mitondo yayivulu. Oloze Ndumbu walunga Wood angulwekele, ngachize, “Uze lunga apwa mukakuzeneka kufwelela. Ikiye—ikiye napu mukakuzeneka kufwelela.” Shikaho ikiye ambile ngwenyi nge ikiye amutachikijile ikiye, shikaho ikiye...mokomoko ise amutachikijile ikiye, ikiye mwaya kuze na kuhula kachi etu tunahase kwitavila kuya muunyanga.

¹²⁵ Etu twendesele nakuya kuchihela cha uze mukweze. Kaha ikiye na lunga weka, vosena vavali mu nambala seveteni, vakiko vatwamine mwishi ya mutondo wa apo. Kaha Mukulwane Wood engilile muli ou lunga, kaha ikiye ahanjikile kuli ikiye, “Kutala Ngwahangileko chindende hachihela chove?” Kaha ikiye ngwenyi, “Chamwaza,” ikiye ngwenyi, “chosena chakwoloka.” Ikiye ambile ngwenyi, “Chuma muka Wood ove yove? Ove yove kanyike walunga Jim Wood?”

Ikiye ambile ngwenyi, “Ngwapwa.”

¹²⁶ Ikiye ngwenyi, “Chamwaza, Jim apwile wakushishika, na vyangocho.” Ikiye ambile ngwenyi, “Enu munahase

kuya muunyanga kumwe enu munatondo, hachihela chami. Ngukwechi *musenge* wamuma handulendi chikuma hano, likafwe ovelyavene. Yako nakushikumuka muze mwakutambakana, kwosena enu namutonda kuya. Lilingise ove lyavene kwimbo.”

127 Ngwatwamine mumotoka, mwomwo Ngwashinganyekele uze mukakunangula na mukakuzeneka kufwelela keshi kuhasa kuya hamweko, kachi etu natuya nakulomba uselewa wa mukakuzeneka kufwelela.

128 Shikaho jino hanyima chindende, Ndumbu walunga Wood ngwenyi, “Chamwaza, jino, Ngunahase kupwa na pashita yami na yami? Ngwashinganyeka nachiya nakupwa chakwoloka kuli ikiye kwiza.”

129 Kaha ou kashinakaji walunga kwalumuka ha chifwoyo chenyi, kaha ambile ngwenyi, “Wood, ove unatwale nakungulweka nge ove unapu wakuholoka, palanga ove watela kupwa mukakunangula na ove kwosena ove muya?”

130 Kaha shikaho chize, Ngwashinganyekele, hanyima yachize, Ngwatela kufuma mumotoka. Shikaho Ngwafumine mumotoka, kaha kuhanjika kuli mukweze walunga wautongwe muminyutu yayindende. Kaha ikiye angulingishile kutachikiza washiwashi ikiye kuhona kupwa kanawa mwomwo ikiye ashinganyekele nge vakiko vapwile nakuhanjika hachuma chimwe chize vakiko vahonene kutachikiza chuma chimwe.

131 Ikiye ngwenyi, “Vakiko veji kumbatanga kaha chuma chimwe vakiko kavatachikiza chumako. Chamwaza,” ikiye ambile ngwenyi, “omwo muthu mwahanjika kuli yami, Ngwatondo ikiye kutachikiza chuma muka ikiye alinakuhanjikaho.” Jino, echi chinapu chishinganyeka chamwaza. Echi chinapu chishinganyeka chamwaza. Ikiye ambile ngwenyi, “Jino, kachi muthu mwahanjika kuli yami, Kangwamuzangile ikiye ha *chumachimwe chikwavo*, kusoloka chize ikiye atachikijile chumachimwe hali echi. Ngwatondo ikiye kuhanjika chumachimwe chize ikiye atachikiza chuma muka ikiye ali nakuhanjikaho.” Chamwaza, Ngwalemesanga chize. Ngwalemesanga chize muliuze mukweze walunga.

132 Kaha shikaho Ngwambile ngwami, “Chamwaza, mukiko vene, uze ikiye mukweze wosena kuvishinganyeka vyenyi.”

133 Kaha ikiye ngwenyi, “Kwapwile mukakunangula umwe uze ejile muno mulifuchi, mwahichi myaka yayindende hanyima, chize chapwile na kuliwana kuze mu Vilinga.” Kaha ikiye ngwenyi, “Ou mukakunangula, ufuku umwe, kupwa ngeji mulifuchi, ahanjikile kuli—kuli pwevo wakalemesa uze atwamine mulikungumbuwa, ‘Ove uli na lilesu mumboloso yove. Kaha ove unapu Pwevo Iya *Munganji mukananga*. Kaha ove uli na ndumbu wapwevo wakuviza haze hapili hano. Lijina lyenyi lili *Munganji mukananga*. Ikiye ali nakufwa, na kansa

mujimo.’ Kaha ngwenyi, ‘Mbata eli lilesu na kuchihaka hali ndumbu wapwevo, kaha mulweke, “MUKIKO MWANAMBE MWATA, ikiye keshi kuya nakufwako, oloze kuyoya.”’”

¹³⁴ Ikiye ngwenyi, “Ou pwevo youmwe apwile sepa lyetu.” Kaha ngwenyi, “Etu twambachile ou pwevo lilesu, mokomoko, ou lunga, hu, uze lunga. . .” Chatete ikiye ambile ngwenyi, “Ou pwevo, pwevo lyami kaha Ngunapunga kuze chimene chize na kumbata, kuvandamina hali ou pwevo. Kaha ikiye apwile wamupi! Va ndotolo vamuhanyine, kunyima chikuma. Ikiye apwile wamupi chikuma palanga etu kupwa nakutanga ikiye mulilata, kumuzundula ikiye ha muhela, kumukindulwisa. Mwalumune ikiye muze mulilata, ikiye wamupi.” Ikiye ambile ngwenyi, “Ufuku umwe, kuze, kwejile zungo nge vakiko vapwile na muthuumwe nafu.”

¹³⁵ Uze apwile Ben haze, na lilesu, kutambula. Ngwafwelela apwile ove, kachapwile ngochoko, Ben? [Ndumbu walunga Ben Bryant kuhanjika, “Amena. Amena.”—Muka.] Apwilenga Ndumbu walunga Ben kuze, kutambula lize lilesu, mwomwo ikiye kumbata mapwevo kuze.

¹³⁶ Kaha ambile ngwenyi, “Chimene chashishileho, ikiye apwile nakulya jiapo jakwocha.” Kaha ambile ngwenyi, “Ikiye keshi kaha nakuzata mulimo wenyiko, oloze ikiye eji kuzata mulimo walihata nenyi. Ikiye apwile kanawa!” Ikiye ambile ngwenyi, “Jino Ngweji kulikomokela kakavulu. Kachi Ngwamwene lyehi uze mukakunangula, ikiye atachikijile chuma muka ikiye apwile nakuhanjika,” ambile ngwenyi, “Ngwa—Ngwakutonda kuhanjika na ikiye.”

¹³⁷ Ndumbu walunga Wood atalile hali yami, kaha Ngwatalile hali ikiye. Kwimana kuze, majilo, na luvule na majilo, kupwa na chilombo muzemumusenge, kaha—kaha manyinga a muhale kuze hali etu. Kaha shikaho Ngwambile ngwami, “Chamwaza,” Ngwambile ngwami, “chili. . .Ove unalumbununa ngana ove unahase kuhanjika kuli ou mukweze kaha ikiye mwaya nakukulweka ove ocho ikiye nalingi ngana?”

Ikiye ngwenyi, “Eyo, mwane, omu mukiko Ngwatwale.”

Ngwambile ngwami, “Chamwaza, chize—chize chinapu chuma chamwaza.”

¹³⁸ Ngwapwile nakulya apo yimwe. Kaze kakandende kahuma wausungwa apwilenga hali yami kuze, munatachikiza, mukuholoka cha mwaka, mu Kukumi. Shikaho Ngwapwile naka apo kakandende, kaha Nguli nakulya hali echi. Kaha Ngwmbile ngwami, “Ize yapwile apo yamwaza.” Ngwambile ngwami, “Lwola muka luze lwapwile kuze?”

¹³⁹ “Mamalelo,” ikiye ambile ngwenyi, “Ngwatumbile uze mutondo kuze, myaka seti mokomoko fwote okwo, mokomoko chumachimwe chikwavo.”

140 “Eyo, mwane.” Ngwambile ngwami, “Ngunatondo kaha kukuhula ove chihula.” Ngwambile ngwami, “Ngachilihi muno mukaye. . . Ngwamono aze ma apo anapo kuholola uze mutondo, kaha mafwo acho kuholoka, kaha hano chinapu kaha mukachi ka Kukumi.” Kaha Ngwambile ngwami, “Etu katweshi kupwa vakuundako, etu katweshi kupwa na mbunduko mokomoko kalachuma, kaha olozenyi mafwo kuholoka kufuma kuze kumutondo. Mwomwo ika?”

Ikiye ambile ngwenyi, “Aze meya anafumu mu mutondo.”

“Mamalelo,” Ngwambile ngwami, “kulihi echi nachiya?”

Ikiye ngwenyi, “Kwishi ya miji.”

Kaha Ngwambile ngwami, “Kahajino nachiya nakutwama kuze?”

Ikiye ngwenyi, “Palanga nonga.”

141 Kaha ngwambile ngwami, “Jino Nachiya nakwiza kunyima, kaha kuneha mafwo amahay kupwa muvule, ma apo amahya kulya.”

Ikiye ambile ngwenyi, “Echi chakwoloka. Chili vene chakwoloka.”

142 Ngwambile ngwami, “Chamwaza, Ngwatondo kukuhula ove chuma chimwe, mwane. Ove muhanjika hali vaze vakweze vaze kaveshi na kutachikiza chuma vakiko vali nakuhanjika.” Ngwapile ngwami, “Unahase kulumbununa kulietu mangana eji kulingisanga atu kupwa na chisemwa chakufumisa mafwo auze mutondo? Kachi nachitwama kuhichila munonga, mutondo kuya nakufwa. Ove kujiha mutondo. Kaze kagerm cha kuyoya muze mumusoji.” Shikaho Ngwambile ngwami, “Nachiya nakujiha ou mutondo. Mangana muka nawalingisa uze musoji kulovoka mumutondo, kushikumuka nakwingila kumiji, kaha kutwama palanga mumusana, kaha jino kwiza cheka na kuneha maapo akwavo?” Ngwambile ngwami, “Haka meya muchimbakati nakuyituma, kaha kutala kachi, mu Kukumi, nachiya nakushikumuka mumutumwa kuutuama na kwiza kukinduluka. Talenu?” Ngwambile ngwami, “Kuli lushimbi lumwe, kuli lushimbi lwa tengeso. Mangana amwe anahake echi chiyulo muchiyulo. Keshi izeko, oloze kupwa youmwe mangana oamwe kupwa vakuzata na jishimbi, kuya nakushikumuka kwingila mumwiji wa mutondo, kaha kwiza nakukinduluka.”

Ikiye ngwenyi, “Kanda lyehi ngupwenga na chishinganyeka kana.”

143 Ngwambile ngwami, “Munahase. . . Kachi enu munahase kuwana aze Mangana kupwa uze musoji kuya kufuma mutango wa mutondo, kushikumuka mumwiji kaha kwiza kunyima, aze Mangana aomwe kumulweka kuze uze ufuku, ‘Yako, uhake lilesu hali pwevo.’”

Ikiye ngwenyi, “Kaha ove unapu mukakunangula?”

Ngwambile ngwami, “Eyo, mwane, echi chakwoloka.”

¹⁴⁴ Mwaka unahichi Ngwapwile kuze (ikiye aya lyehi), kaha omu tuliwe yenyi apwile kutwama musenge, kufumisa viyawu, vya mutondo woumwwe. Ndumbu walunga... Chatete vakiko wapwilenga nakuya nakutuva, vakiko kavatachikijileko hiya etu twapwile. Kaha Ngwayile na kumulweka hali echi, nge etu tuli na kwitavisa kufuma kuli ikiye. Kaha amulwekele echi, ngwenyi, “Ikiye netavila kwitavila Kulishitu shimbu kanda ikiye afwenga.”

¹⁴⁵ Enu namumona, ngachilihi uze mutondo, Mangana muka nakuhiluka hamavu? Ou unapu lushimbi. Echi chinapu lushimbi uze Kalunga kupwa mu chiyulo. Kaha luze lushimbi lunapu lushimbi lwa Kalunga luze naluya nakuzakamina ou mutwe. Amena.

¹⁴⁶ Munatachikiza, Ngunatachikiza mwakuzakamina oloze kutambakana, kaha kuhanjika—kuhanjika jino, “Echi nachiya nakuya, uze musana kaweshi kuya nakumwinyika chikoma kuhambakana nonga.” Nachiya nakumwinyika kalamwosena. Nauya ngachilihi nakuhanjika, “Kangweshi—Kangweshi kuya na kwecha lwola lwaufuku kwiza.” Nachiya nakwiza, mwosena omwo. Mwomwo echi chuma chize etu kutwalilaho kuyoya, kusanyika kaye, kutetekela ha lushimbi lwa Kalunga.

¹⁴⁷ Jino, vandumbwami na vamapwevo, Ngwatondo kumihula enu chuma chimwe. Kahajino, kachi etu twasemuka chachihya mu Shipilitu ya Kalunga... Kalunga katwama na vihanda vyakuzeya na vihanda vyavinene vyangolo, Ikiye ali hamwe na Kalunga! Kaha kachi muli kutela cha Kalunga muli enu, palanga Echi chapwile kupwa kaha na muvwimbimbi, uze unapu wakutamo kupwa ngolo kupwa wamuha. Echi chinapu ngolo jakutamo kutunga kakweji na zachiso yayihya. Ali Kalunga, kaha chili chakuzama! Kaha hano vene mukakufwelela ali hano ali na Kuyoya cha Hayamyaka, ou ali, Shipilitu ya Kalunga muli enu; jakutamo Ngolo ize najiya nakufwa, jize najiya nakuhindula mukakuviza, uze mwaya nakujinguluka museteko kana. Oloze enu, echi chili chakutwaminyina kuli lushimbi, nge Shipilitu eyi ili muli enu. Enu munapu vana vamaalunga na vamapwevo va Kalunga. Ize Shipilitu yoyimwe kupwa muli enu, nayikaya nakumizundla mu likumbi lya kusanguka.

¹⁴⁸ Yesu, omwo Ikiye apwilenga hano hamavu, omwo Ikiye afwile, mwono Wenyi asulukile muhetese, “Kaha anangwile kuli mashipilitu aze apwile mukamenga, ize myono ili mutolongo, ize kayalikonekeleleko mulwola lwakuvandamina chikoki lwa makumbi a Nowa.” Mujimba wenyi wayile muze muchimbumbwe. Oloze shimbu kanda Ikiye afwenga, Ikiye akunjikile Shipilitu Yenye mumavoko a Kalunga. Shipilitu Yenye ayile kuli Kalunga, mwono Wenye ayile kuhetese, kaha mujimba Wenye wahichile muchimbumbwe. Kaha Yesu vamufumishile muze mukusanguka

palanga Chisoneka kupwa cha kuzalilila. Ikiye kahashile kukindulukako, mwomwo Ikiye atela kutwama muchimbumbembe mumakumbi atatu na maufuku. Oloze omu Chisoneka chapwile chakuzalishiwile, uze mukeleko vaufumishileko; Shipilitu Yenye asulukile ku mwono Wenyi, mwono Wenyi ku mujimba Wenyi, kaha Ikiye asangukile cheka.

¹⁴⁹ Kaha omwo etu natufwa, myono yetu natuya mwishi ya kamenga ka Kalunga; kuze Ngwapwile nalisesa lya kumona, chimene chachindende kunyima okwo, nge omu munatachikiza, mu chimweno, kuze Mbimbiliya yahanjika, “Mashipilitu etu nawaya kuli Kalunga Ou eji kuhananga, kaha mijimba yetu nayikakinduluka cheka kulukungu lwa mavu.” Oloze likumbi limwe, omwo Chisoneka chinazalishiwa, mashipilitu etu nawakaya nakufuma kuli Kalunga, mwaya nakumbata mwono, kaha mwono ku mujimba. Kaha Ngolo jize najiya nakutusangula, chili vene muli etu jino! Etu tuli jino muvihela vya Mumelu. Etu tuli jino mu Ngolo ja kusanguka.

¹⁵⁰ Kachi kuze kakweshi lushimbiko, vana vamaalunga na mapwevo va Kalunga kupwa nakulitengela kaye kufuma hano nakuya nakuyoya chakupenge. Enu muli na Ngolo muli enu kulinga echi. Kachi enu mukwechi muvwimbimbi wa Ngolo ja Kalunga muli enu, enu mukwechi Ngolo ja kulinga echi. Kalunga apwa wakulitulaho. Talenu omu Ngwatwale? Jize Ngolo jize japwa muli enu namuya nakulingisa, enu munahase kuhanjika kaha kaye nakatengeka nakuyoyelaho. Haleluya! Yenu haze.

¹⁵¹ Eji jikiko Ngolo jili mu Liuka jino, oloze vali nakujitetekela na lushimbi. Kaha luze lushimbi kalweshi “kulama lizavu lya jishimbi.” Lunapu lushimbi lwa lufwelelo. Yesu ngwenyi, “Vyuma vyosena vinashiwa kuli vaze vafwelela.” Kaha kachi ove unahase kufwelela echi, kala chuma Kalunga mwaya nakutwaminyina mwono wove kufwelela, echi chinapu chove. Kala chihela viputo vyove naukalyataho, ha lufwelelo, Kalunga nakuhanecho. Amena! Chinapu chove, chihete, kachi ove unahase kuwana sapi yakulushimbi lwa lufwelelo ize nayisokolola kuli enu. Mwamono omu Ngwatwale? Jize Ngolo jili jakutetekela. . . Kachi ove unapu mwana Kalunga, ove unapu mwana wapwevo wa Kalunga, uze kasezako. Echi chili na ove lwola lwosena. Oloze, lufwelelo lwove lunafumu kuli Echi, oloze Hanga chili kuze. Haleluya!

¹⁵² Omu ove unapu wakulwila, Kalunga mwakuhana lufwelelo kufuma muulova wamumavu. Lufwelelo lwove lwakufungulula vyuma vya kaye. Lufwelelo lwove chuma muka? Lufwelelo lwove muli chize kuzata nge Kalunga nalingi muli enu, kulingisa ove kupwa mwana Kalunga. Ove echa makuli, ove echa kwiva, ove echa kunwa, mwomwo lufwelelo lwove kukatuka helu lwa echi. Amena. Kachi ove kaweshi kulinga echiko, ove kaweshi na lufwelelo ko. “Kaha ha lufwelelo ove vanakulwili, kaha chize kuhichila mu likoji.”

153 Kachi nge lufwelelo lwove nalulovoka, mukiko na Ngolo nawa naupwa najo, mwomwo muli enu mwatwama Ngolo ja kulingisa Melu na mavu. Kalunga atwama muli enu, kaha enu munapu vana vamaalunga na vamaapwevo va Kalunga. Amena! Yenu haze. Oloze, lunapu lufwelelo lwove. Yesu ngwenyi, “Kutesekesa na lufwelelo lwove, chipwenga ngocho kuli ove. Kachi ove mufwelela, vyuma vyosena vinashiwa. Chamwenemwene, Nangwamba kuli ove, kachi ove muhanjika kuli eyi pili, ‘Tutuluka,’ kaha kanda kukakasana, oloze kufwelela nge chuma ove unahanjika!”

154 Kahajino vathu muka etu twatela kupwa, kupwa na lufwelelo mu kutohwa cha kusokola Kulishitu uze ayoya muli etu, eli Lilolwa lya kuveta lize kalyalya Liuka? “Nguli nayenu lwola lwosena, na kumakumishilo akaye,” Uze Apwako lika uze wamunene wa ulwilo kaha Ngolo kuhingunuka kufuma ku Kavali nakwingila mu Liuka, uze Apwako lika uze Kalunga wakuyoya, uze kuhingunuka chachinene, Lilolwa lyakuveta lize lili nakuya na etu muungeji.

155 Isalele ajimbalishile lufwelelo lwenyi. Vakiko vafumine mujila. Vakiko vaputukile lwiswo lwa nyama. Kachi vakiko vatwamine na lufwelelo, na kufwelela nge Kalunga mwaya nakuvambata vakiko kulifuchi, kuze nakuya nakupwa nachuma chakuhonesa vakiko. Vakiko tele vanasokolola lyehi kalungalwiji, vakiko kupwa vakuvetuwa na misongo hali vakakole javo, vakiko vasukikile vakakole javo kunyima yavo, kaha kutambuka kuhita muze mulifuchi, kaha hanga kavapwile na lufweleleko lwakuya lika nakulushiko.

156 Yoshiwa na Kaleve vapwile na lufwelelo! Vakiko vambile ngwavo, “Etu tunahambakana kuhasa chuma chize nachiza kumeso etu.”

157 Ou ukiko ukalu na liuka. Etu tunahase kufungulula kala musongo. Etu tukwechi Ngolo muli etu. Etu tunapu vana vamaalunga na vamaapwevo va Kalunga, kakweshi chuma chinahase kwimana kumeso etu. Chuma chimwe, Ikiye natondo kuwana mthuumwe uze mwaya nakufwelela echi, hiya mwaya nakufwelela chuma muka Kalunga nalingi lyehi kuli ove. Keshi etu natuya nakupwa; etu tuli jino! Kaha Kupwa Kumeso a Shipilitu ali nayetu. Amena! Yenu haze.

158 Omu mukiko Ngwatwale omwo Ngwahanjikile ha mutwe wachihande chimene chino, *Meya Aze Apwako Lika Akufuma Mu Lilolwa*. Meya aze apwako lika akufuma mu Lilolwa ali hano vene jino, nge Meya aze apwako lika akufuma mu Lilolwa lyakuveta ku Kavali. Omwo uze Shipilitu Wajila ejile nakulovoka muli Ikiye ha Kavali, chize kwiza nakukinduluka ha Liuka ha Likumbi lya Pendekosita, uze youmwe Shipilitu Wajila ali muno chimene chino. Kaha Ali nakutuhana lushiko!

159 Ou ukiko mulonga, kutambuka kumeso avathu vakakuviza, omwo Ikiye angutumine yami kuze, Ngwafwelela echi; Kalunga ahanjikile ngocho! Omu mukiko vimweno kusoloka; Kalunga ashikile echi! Kalunga keshi kuhasa kulyongako.

160 Kufwelela echi! Ove watela kufwelela echi. Kwatela kupwa Chumachimwe kuze, kusokolola uze mukeleko, kusokolola chize chuma nakwecha ove kwingila. Chuma etu tunatondo lelo shina kulombela Ngolo josena. Enu mukwechi Ngolo jakutamo ja kulingisa mavu amahya. Chuma ove unatondo shina lufwelelo kuzachisa Ngolo. Chuma ove unatondo shina kutwaminyina chize chiyoyelo, na kuyoya chiyoyelo cha ukalunga, nge omwo ove mulomba Kalunga kalachuma, munatachikiza! Etu tuli nalufwelelo muli Kalunga, lwa chize. Etu tunatachikiza, kachi etu natulama Jishimbi Jenyi, Ikiye mwaya na kukwachilila vyuma vya mwaza kuli etu, kachi etu natutambuka hamwe na Ikiye. Kalunga kutambuka nayetu. Mamaah, yami!

161 Vakiko vapwile oloze na chuma chimwe chakulinga. Vakiko vapwile oloze chumachakulinga, chize, kupwa nakutwama hazevene hamulimo. Keshi kulikomokela *hano*, kaha kulikomokela kuze na *haze*; oloze kutwama haze mumulimo! Eli Liuka likwechi oloze chuma chimwe chakulinga, twamenu kaha mukiko vene! Vakiko vapwile na Panda ya mulangi wa Kakahya, nge vakiko vapwilenga, nakulilama vavene mukukavangiza ize Panda ya mulangi wa Kakahya. Omu mukiko chatwaminyinyine. Chuma vakiko vahashile kumona, ize Panda ya mulangi wa Kakahya. Vakiko vamwene Echi kuzata kuhichila muli Mose, kaha vakiko vatachikijile nge ikiye apwilenga twamina.

162 Lelo etu tukwechi Lizu. Etu tweji kukavangiza eli Lizu. Kaha etu twamono eli Lizu kuzata muli vakakufwelela, kaha etu tunatachikiza echi kupwa ngocho, kahajino. Kalunga kuzata na etu, kwinjikiza eli Lizu na vinjikizo kuvakavangiza! Etu twatwama na Lizu. Eli Lizu lyeji kulovola mihakoko.

163 Vakiko vatwamine na Mose. Mwomwo, ize Panda ya mulangi wa Kakahya, Mose kukavangiza Chize. Kaha vakiko vakavangijile. Omwo aputukile kwalumuka na Mose, kaha kulipika na Kalunga na hali Mose, vakiko vapwile nakukimbwojoka kusali yimwe na kweka. maukalu kwingilamo. Punduvene.

164 Etu tweji kutwama na Lizu, kaha Lizu lyeji kulovola vinjikizo. Yesu ngwenyi, “Evi vinjikizo navikavakavangizanga vaze vakakufwelela Lizu.” Talenu, atwamine na...Enu twamenu na eli Lizu, lize Lizu lyeji kulovola vinjikizo. Oloze, Mose, chuma muka ikiye alingile?

165 Vakiko vakimbwojokele, kaha vakiko valingile ika? Vakimbwojokele mujila, kaha vakiko vajimbalishile michima yavo.

¹⁶⁶ Ngwashinganyeka nge omu mukiko liuka linalingi lelo. Echi chili chakukimbwojoka mujila ya Chisoneka. Vakiko vafumine mukwingila mujitato. Vakiko kufyama mu vyuma vyavindende vize vakiko vatela kulinga. Vakiko vetavilila vyuma. Vakiko vetavilile vyuma vya Jishimbi ja Vapositolo. Ove wawana kulihi mu Mbimbiliya? Vakiko kwitavila katekijimu vize vatangile. Vakiko vetavijile vikungulwilo kachi kutachikizako. Vakiko kwitavila kulimenaka mumavoko kachi ngolo ja kusemuka chachiyako. Vakiko kwitavila kumwangila kachi kujimika mumeyako. Vakiko vetavijile chifwanyisa chachipi, “Tata, Mwana, na Shipilitu Wajila,” omwo kakweshi chuma chimwe mu Mbimbiliya. Eyi Mbimbiliya ngwayo, “Mu Lijina Iya Yesu Kulishitu!” Kuze kuli chumachimwe chakulinga kachi enu mwatondo aze Meya oamwe, kwiza nakukunduluka mujila cheka. Kinduluka... Ikiye kaseleko; Ikiye hanga ali lika hano. Enu namumbata jishimbi jauthu kachi Kulishitu. Enu namukimbwojoka ha vyuma vyamokomoko.

¹⁶⁷ Umwe ngwenyi, “Chamwaza, Yami ngumuka Mesondisiti.”
Mukwavo ngwenyi, “Yami ngumuka Mbaputishiti.”

Echi chinasoloka nge ove kaweshi Mukakulishituko, kahajino. Etu twapwa va Kulishitu! Etu twapandama kuli Ikiye.

Ove ngwove, “Chamwaza, kachi, yami, ka Mbaputishiti?”

Kachi mukiko kaha ove uli, kahajino ove kaweshi na Kulishitu ko, ove unapu ka Mbaputishiti.

Ove ngwove, “Chamwaza, Yami ngumuka Pendekosita.”

Kachi ove uli kaha ka Pendekosita ha chikungulwilo, mukiko kaha ove wapwa.

¹⁶⁸ Oloze, kachi enu mukwechi kutachikiza cha pendekosita! Kaha Lizu Iya pendekosita naliya nakuneha kutachikiza cha pendekosita! Kavangizenu chuma chochimwe navaze tumbaji valingile, twamenu kuze palanga nomu vakuzala na Shipilitu Wajila.

¹⁶⁹ Kaha jino kachi chize enu mukwechi kulimbalaka na Lizu, ize Shipilitu muli enu kuya nakulimbalaka na chuma Lizu Iyahanjika, jino kaha kayapwile Shipilitu Wajilako. Ali liyavolo kulifwanyisa Shipilitu Wajila. Enu mwamono oho etu tuli nacho? Mamalelo, etu vamwe kuhanjika na malimi, etu twapwile nakutambakana na vyuma nge ngachize, kaha kukana vyuma vyosena. Etu kuyanda vyuma vimwe vize kavyeshi mu Chisonekako kwiza nakwingila muliuka. Muze etu tukwechi lelo? Etu tunapu kunyima mulikundu, chikungulwilo chaumu. Etu tunalivwasana, na kujimbalisa Meya. Muze mukiko vene va Pendekosita valingile. Omu nachiputuka kulivwasana, nachiya nakuhokola kulikata, kaha kuhanjika, “Chamwaza, jino etu katweshi kuhasa kulinunga, kachi ou mukweze afwelela echi.”

170 Yako kulutwe, twama na ikiye palanga ikiye mweza ku Lizu lya Muchano, chinyingi cha Muchano. Kala chuma, echa echi chiyenga, mwosena omwo. Yako kaha, pwako nge vandumbu vamaalunga.

171 Oloze, mamalelo, etu twatela kupwa nakuliwana, na kuhanjika, “Chamwaza, mwomwo ove kaweshi Waninesiko, mwomwo ove kaweshi Twoness, mokomoko Threness, mokomoko nge ngachize, etu katweshi kuhasa kulikata na enuko.” Kahajino omwo etu natulinga chize, chuma muka etu natulinga? Etu tweji kuneha etu vavene kuze vene mupambo. Echi chakwoloka!

172 Oloze, anuka, omwo va Isalele vakimbwojokele mujila, mukiko vene kulifuchi lya lushiko, lize Lilolwa kalyavaseleko vakoki; Lyatwamine lika muze, shikaho muli chapwile na meya. Shikaho ikiye Shipilitu Wajila, ali nakutwama haze vene. Etu katweshi nakulikomokela kunyima ko.

173 Jino, hano Kalunga atunangwile etu chuma chachinene. Kalunga atunangula etu hano kulinangula. Kulishitu apwile wakuveta kamwe, kutuhana kutachikiza cha pendekosita, lwola lumwe, ha vyosena. Jino, omu lize Lilolwa valivetele, Kachi kavaliveteleko cheka. Valivetele kamwe kaha.

174 Mose aluwanganyishile ha Echi lwola lwamuchivali, kusolola kuzeya cha lufwelelo mu Kutomesa. Oloze omwo Kulishitu vamuvetele kamwe, etu tunatachikiza Ikiye katela kupwa wakuveta chekako. Chamwaza, chuma muka Mose alingile? Mose apwile natwame ha chumachimwe chachihya, kweseka kulinga chuma chachihya.

175 Kaha omu mukiko mujila vakakunangula vali nakulinga lelo. Vakiko kweseka kulinga chumachimwe chachihya. “Etu natuya nakulilingisa etu vavene kupwa va Assemblies of God. Etu natuya nakulilingisa etu vavene kupwa Liuka lya Pendekosita lya Kalunga. Etu natuya nakulingisa etu vavene kupwa Kasulu Yayinene. Etu natuya nakulilingisa etu lyavene echi, chize, mokomoko *chikwavo*.” Chize kacheshi chuma Kalunga alingile. Chize kachapwile chishinganyeka Chenyi ko.

176 Kulishitu apwile wakuveta kamwe. Chize chikiko kutachikiza chatete. Ize ikiko jila yatete. Ha Likumbi lya Pendekosita, Petulu ambile ngwenyi, “Alumuka chakupihilila, muthu himuthu, kaha vamijimike mu Lijina lya Yesu Kulishitu.”

177 “Etu tweji kusapwile mu lijina lya ‘Tata, Mwana, Shipilitu Wajila,’ kuhana jishimbi jauthu na vyuma vyosena hali Echi.” Omwo etu natufuma Lizu, shikangaho etu katweshi kuya kumweko. Talenu?

178 Kalunga atunangwile etu kulinangula. Mose atelele kuhanjika, “Jino etu natuya nakuputuka chumachimwe chachihya hano jino, kaha etu natuya nakuliwana kaha etu natuya nakutunga liuka lya Katolika.” Echi chikiko chuma

chatete vakiko vanalingi. Nduma, kahajino hanyima chindende, “Chamwaza, etu natuya nakuputuka chumachimwe chachihya hali chize, etu natuya nakutunga Lutaleni.” Kahajino kwejile va Anglican, kaha jino va Mbaputishiti, navakwavo, nava Campbellite, kaha Liuka lya Kulishitu, na mukakole wa kulishitu, na vyuma vyosena. Talenu, vakiko vosena vaputukile kuya, umwe hanyima ya mukwavo, umwe hanyima ya chikwavo, kutunga vikungulwilo na vikungulwilo. Chize kachapwile ngachizeko. Talenu vakiko vali nakulinga ika? Vakiko vali nakutoleka Lilolwa cheka, kuputuka chumachimwe chachihya. Etu katwazangile kunangula chachihya.

¹⁷⁹ Kala muthu mu Mbimbiliya vajimikile mu Lijina lya Yesu Kulishitu. Kala muthu mu Mbimbiliya uze akwechi Shipilitu Wajila, kwiza mujila ya Kalunga, muzevene mujila Kalunga azachilemo. Vakiko valingile chumachimwe. Vakiko vapwile na ngolo jojimwe. Vize vinjikizo vyovimwe kuvakavangiza. Milimo yoyimwe kuvakavangiza. Mwomwoika? Vakiko vayoyelele ha Lilolwa. Vakiko vakwechi Meya amwe.

¹⁸⁰ Kaha, lelo, mulonga etu tukwechi jishimbi jauthu na vikungulwilo, mwomwo etu tuli nakuputuka chumachimwe chachihya. Etu katweshi nakutonda chuma chimweko chachihya. Yako kunyima!

¹⁸¹ Mose atelele kuveta ku Lilolwa cheka ko, kuputuka chumachimwe chachihya. Ikiye atelele kuhanjika kuli vakiko, ha Lilolwa lyatete. Mamalelo, Ngwafwelela enu mukwechi chize! Mose atelele kuhanjika ha kuputuka chivene, Lilolwa lya kuveta; keshi kweseka kuveta Echi cheka, keshi kweseka kuputuka chuma chachihya, oloze kuhanjika kuli Chuma chamwaka!

¹⁸² Kalunga, ngukafwe! Kachi Nangufwa, muze mukamenga, nanguya nakuhanjika ku Lilolwa livene! Nanguya nakuhanjika ha kutachikiza chatete. Nanguya nakuhanjika ha Visoneka vivene vize avahanyine lujimiko lwa Shipilitu Wajila, “Alumuka chakupihilila, muthu himuthu, kaha vamiyimike mu Lijina lya Yesu Kulishitu chakuneha kujimbangana jishili, kaha enu namutambula wana wa Shipilitu Wajila.” Uze apwako lika Vimeya akuhingunuka kufuma ku Lilolwa lili lika naetu. Nachiya nakuneha chuma chochimwe. Nachiya nakuneha vimweno. Nachiya nakuneha kuka. Echi nachiya nakuneha maupolofweto. Nachiya nakuneha kala chuma vakiko valingile.

¹⁸³ Omu Isalale apwile apwile mumukana kunyima kuze mu Visoneka cheka, kaha kukinduluka mujila, vakiko vayile kulifuchi lya lushiko. Oloze kuvambata mummyaka fwote.

¹⁸⁴ Pendekosita napunga pamo na fwote mokomoko fifite, kukimwojoka muze mupambo. Kwiza cheka ku Lilolwa! Echi chili kumeso. Hano echi chili, chakusoneka hano ha Lizu. Ou Shipilitu Wajila ali hano kuzata chuma chochimwe Ikiye lwola lwosena alingile, shikaho Kupwa cha Meya chili hano. Kupwa

kaha kunyima ya Echi, kukinduluka kunyima, kuze kwatete. Kaha chapwile ngachilihi kuze kwatete?

¹⁸⁵ “Chamwaza, vakiko kulimeneka mumavoko na mukakunangula”? Kakweshi chuma changochoko. “Vakiko vavajimikile mu lijina lya “Tata, Mwana, Shipilitu Wajila”? Kakweshi chuma changochoko. Kakweshi numba vathu mu Mbimbiliya, kala kwosena, mokomoko kuweluka, myaka seli handulendi kuweluka wa Mbimbiliya, apwile wakujumika mu lijina lya “Tata, Mwana, Shipilitu Wajila.” Echi chinapu jishimbi ja Katolika, keshi kunangula cha Mbimbiliya ko. Talenu?

¹⁸⁶ Vakiko vapwile na Shipilitu Wajila. Evi vinjikizo navikavakangizanga vaze vakakufwelela. Nachiya nakulingika cheka lelo. Lize Lilolwa lili kaha nakuyoya nge omu Lyapwile, lize Lilolwa lya kuveta!

¹⁸⁷ Echa tuhona kuhanjika, “Chamwaza, jino enu twayenu na kulinunga na liuka lya Chipendekosita, kwingila mu vishinganyeka vya Chipendekosita.” “Nduma, enu twayenu na kulinunga na va Mbaputishiti, mokomoko va Mesondisiti, mokomoko va Pulishiteliyani, mokomoko Katolika.” Chuma muka echi? Chize chili nakutoleka Lilolwa cheka, kweseka kuputuka chumachimwe chachihya.

¹⁸⁸ Valweke vakiko, “Pihililenu nakwalumuka, kaha vamijimike mu Lijina lya Yesu Kulishitu,” chakuneha kujimbangana jishili javo, “kaha evi vinjikizo navikavakangiza vaze vakakufwelela.” Jino ove uli kunyima mujila, kukinduluka ku Meya youmwe. Aze Meya oamwe kuya nakukuhana kuwaha chochimwe. Nachiya nakukuhana kuzama chachimwe mumujimba. Nachiya nakuhana ngolo jojimwe jakutomesa. Nachiya nakuhana ngolo jojimwe kuka. Nachiya nakulinga chuma chochimwe Chalingikile kahajino, kachi etu natuya nakukinduluka kuli Shipilitu youmwe.

¹⁸⁹ Kuyoya mu grapevine nachiya nakuneha magrapess. Kachi nge walingikile mwakawali, nachiya nakuneha chumachochimwe nauno mwaka. Luze lukiko lushimbi lwa Kalunga. Luze lushimbi lwa Kalunga luze, kachi ou unapu grapevine, kuseza ukawenyi, nachiya nakuneha grapes. Ove unahase kusemesa na chumachimwe nawa, oloze jino kuseza echi ukawenyi kwiza nakukinduluka kunyima kuli ma grapes cheka.

¹⁹⁰ Shikaho etu tuli na kusemunuina m liuka na Chipendekosita, na Chijimiko, na Chimesondisiti, na Pulishiteliyani, na—na va Anglican, kaha kala muyachi wa ism. Mwomwoika nahonene kuseza echi ukawenyi? Twaya kinduluka ku Vinyo, nauya nakukinduluka ku Ngolo jojimwe. Amena! Amena! Ngwazanga chize.

¹⁹¹ “Putuka chumachimwe chachihya.” Chuma chochimwe etu tunalingi. Keshi kweseka kusolola ngolo jetu. “Ndotolo

Munganji mukananga ikiye aputukile liuka lyalinene lya *Munganji mukananga* liuka lya *munganji mukananga*.” Chize kachapwile ngochoko.

¹⁹² Muze mukiko ahanjikile Mose, “Nanguya nakuvalwekesa vakiko chuma Ngunahase kulinga. Nanguya nakuneha echi, mwosena omwo!” Ikiye avetele Chize, kachejile kwizako. Ikiye kutambakana cheka, “Kusolola chuma muka Nangulinga!” Kalunga alingile na ikiye hali chize.

¹⁹³ Kamweshi nakushinganyeka, kachi ove “kwata ku chikungulwilo chimwe.” Kalunga mwaya nakuzata na ove hali chize. Echi chili vene chakwoloka. Ove watela kwiza nakukinduluka kumaputukilo. Twaya kinduluka.

¹⁹⁴ Hanjika kaha kuli vathu. (Kanda kuvalweka vakiko, “Enu twayenu nakulinunga na liuka lyetu. Enu twayenu nakuhanjika jishimbi jetu.”) “Ove twaya kinduluka na kwalumuka nakupihilila, kaha vamijimike mu Lijina lya Yesu Kulishitu, chakuneha kujimbangana jishili jove; kaha enu namutambula wana wa Shipilitu Wajila, kachi muchima wove wakwoloka. Kaha evi vinjikizo navikakavangiza vakakufwelela. Lizavu lya vakakufwelela, evi vinjikizo kuya hamwe navakiko.” Mwomwo ika? Lize Lilolwa, lize Lilolwa lya kuveta na Meya Eyi a Kuyoya kwiza hazevene, kuneha chuma chochimwe chize Ikiye alingile kunyima kuze. Echi kacheshi kuhasa kuchikafwako. Mamalelo, eyo.

¹⁹⁵ Etu twatondo kusolola, na kuhanjika, “Etu twapwa va Mesondisiti, na Mbaputishiti.”

¹⁹⁶ Hanjika kaha ku Lilolwa, Ikiye apwa Kumeso. Kanda kweseka kulinunga Echiko. Ngwapwile na “wakununga” hano. Kanda kweseka kulinunga na Echiko. Ove kaweshi kuhasa kulinunga na Echiko, echi chikiko chuma chimwe punduvene. Enu munahase kulinunga na va Mesondisiti, enu munahase kulinunga na va Mbaputishiti, enu munahase kulinunga na va Pendekosita, enu munahase kulinunga na va Angilikanyi, oloze enu kamweshi kuhasa kulinunga na Echiko. Nduma. Enu mwatela kupwa vakuzala na Echi. Kanda kulinunga na Echiko; pwako kaha wakuzala na Echi. Mukiko kaha. Chili chakuzala na ika? Wakuzala na Ngolo, wakuzala na Shipilitu, wakuzala na Kuyoya, wakuzala na kuwahilila, kuunda, kuvandamina chikoki, kalemesa, kuwaha, Ngolo ja Shipilitu Wajila muchiyoyelo chove, mwomwo Kupwa cha hayamyaka chili kuze. Anuka.

Nanguya nakupwa hakamwihi mwomwo nachiya nakutoka.

¹⁹⁷ Oloze, anuka, lize Lilolwa kanda liseze vakiko. Kanda chivaseze. Kaha Kulishitu keshi kuhasa kutuseza etu; Kulishitu ambile ngwenyi, “Nanguya nakupwa naenu lwola lwosena, na kumakumishilo akaye.” Echi chakwoloka? Kaha lize Lilolwa kutwama na vakiko vosena mujila kufuma mu Holove naku

Nebo. Echi chalingikile. Kuze ku Yotane, Chapwile lika kuze. Ove Kalunga, Ngwatondo kumona Chize Yotane!

¹⁹⁸ Mose, omwo ikiye apwilenga Yotane, Lilolwa lyapwilenga na ikiye mujila yosena kuhichila. Kaha ikiye apwile kwimana kuze, kutala nakushikumuka na—na lizavu lya vathu vase vakulimbuka na kuya kufuma kuli Kalunga. Muchima wenyi wapwile kufwila kwanganyina hali vakiko. Kaha ikiye kutala hali Yotane. Kuze ikiye apwilenga Yotane. Yotane, mushipilitu, Nguli nakuhanjika hali echi. Kaha kuze ikiye apwile nemana haze, kufwa chapwile nakwiza na chikovelu chenyi. Oloze ikiye kutala, kupwa haze kusali yenyi kaha kuze kupwa Lilwola. Ikiye kunyina ha Lilolwa, kaha Vangelo kwiza, kumuveleka.

¹⁹⁹ “Nanguya nakuseza ove chipwe kukukana.” Chipwethuhu omu chakaluhwa cha lwola, omu kashinakaji etu tukwechi, kufwa cha muyachi muka etu tuli nakufwa, anuka, lize Lilolwa naliya nakupwa kuze ku Yotane. Echi nachiya nakuseza mokomoko kanda kuya nakukana. Anuka kaha chize. Aze apwa Meya aze apwako lika akufuma mu Lilolwa kuya nakupwa na etu kushikumuka kuhichila mukuyoya, kaha numba ku Yotane.

²⁰⁰ Echa tunongamenu mitwe yetu. [Ndumbu walunga mwahana kutukafwa—Muka.]

²⁰¹ Shimbu ize Shipilitu ili nakutambuka muli etu, eyi Shipilitu ya Kalunga kutambuka mukachi ketu, kunahase kupwa hano na chimene chize chejilingikanga uze nahono kutachikiza Kulishitu, kaha ove uli—ove kaweshi hakamwihi na lize Lilolwa, keshi ha kuhanjika kuli Echi chimene chino? Oloze munatachikiza Echi chili hano. Tala hali Echi kuzata kwosena, talenu Ikiye kutambuka nakujinguluka, talenu Echi kutambuka hali vathu. Aze Meya apwako lika. Ou ukiko ulwilo. uze napu Kulishitu kulaha jipasa kupwa muchihela palanga vakiko kaveshi kuhasa kupwa vakuunda nakushimbula, chumachimwe chatela kwiza. Kaha enu munahono kutachikiza Ikiye, munahase kuzundula livoko lyove nakuhanjika, “Ngulombeleko, Ndumbu walunga Branham. Ngwatondo jino kumutachikiza Ikiye. Kaha Ngwatondo kuhanjika na Ikiye, kaha Ngwatondo kutachikiza Ikiye kupwa kuzalilila cha Shipilitu Yenyi. Ngwatondo kutachikiza nge Ikiye ali wakwoloka kusali yami, lwola lwosena. Ngwafwelela Ikiye apwa. Oloze Ngwatondo kupwa nakuhanjika hahanjikiso. Kaha Nguli napwila, kaha Nguli nakwivwa zala ya Kalunga. Ngwatondo kumutachikiza Ikiye kanawa?”

²⁰² Kalunga akukisule, mwane. Kaha Kalunga akukisule, mukulwane. Kaha ove, ndumbu walunga. Ove, yaah, kunyima okwo kunyima. Hano, pwevo wakalemesa, eyo. Eyo, pwevo wakalemesa. Etu twamono mavoko enu, kaha Kalunga kumona vakiko. Kalunga akukisule, mukweze walunga. Kalunga akukisule. Kaha ove, pwevo wakalemesa. Amena. Kalunga

akukisule. Akukisule, ndumbu wapwevo. Mthuumwe weka jino, mukatando kakandende. Kalunga akukisule, kunyima okwo, mukweze walunga.

²⁰³ Shinganyeka hali echi. Shinganyeka hali echi, Kupwa cha Meya kufuma ku Lilolwa, ize Shipilitu yoyimwe; nge Ikiye atambakanyine haze ha likumbi lya kusopesa hali Ikiye, omwo Ikiye ambachile kusopesa chetu. Kaha mukombo wa Kalunga wandombo kuveta hali Ikiye, kaha jishili jenu kupwa jakujinga muze mumukombo, kaha kumuveta Ikiye, na Manyinga Eyi na meya kulovoka kufuma muli Ikiye. Ikiye ambile ngwenyi, “Tata, mumavoko Ove Ngunahane Shipilitu Yami.” Kaha ha Likumbi lya Pendekosita, Echi chejile na etu kuhichila muli ou ungeji. Kaha Echi chili hakamwihii jino.

²⁰⁴ Ove kaweshi nge kuhanjika, “Ngunakimbwojoka kufuma kwimbo, Mwata, Nguli nakwiza kwimbo”? Shimbu etu natwimba echi, kachi ove unatondo kutambuka kukamenga na kutunga keke, nawa, wa mwono wove, kuli Kulishitu? Amena.

Ngunakimbwojoka kufuma kuli Kalunga,
(Kusali ya jila.)
Jino Nguli nakwiza kwimbo;
Eyi jila (Kuzeneka kufwelela, mwamono.)
nawa Ngunalyatangila,
Mwata, Nguli nakwiza kwimbo.
Kwiza kwimbo, kwiza kwimbo,
Kanda kukimbwojokako;
Tanduula ma movoko Ove a zangi,
Jino, Mwata, Nguli nakwiza kwimbo.

²⁰⁵ [Ndumbu walunga Branham kungunguta *Mwata, Nguli Nakwiza Kwimbo*—Muka.]

²⁰⁶ Vanyike vatatu amalunga kutambuka kaha hazevene, washiwashi, masoji muze mumeso avo, kufukama hamavu kusali ya kamenga. Mukiko, vakiko vanavakonekela. Vakiko vanavakonekela shimbu kanda vakiko vasele vitwamo vyavo, omu vishinganyeka vyavo vavatungile. Vakiko kwiza nakulovoka kaha kufukama hamavu hano, kwecha vathu kutachikiza, kusali vakiko valiho, mu chimene chino.

²⁰⁷ Nanguya nakushinganyeka nge kuli vathu vamwe vakukola navaya nakulinga echi, kupwa kaha nge kufukama hamavu, na kuhanjika, “Mwata, Nguli—Nguli nakimbwojoka kufuma mujila. Ngunapunga na kukakasana chachivulu, kaha lwola lumwe Ngwakimbwojokele na kwingila mushili. Jino Ngwa—Ngwatondo kukinduluka kunyima shimbu kanda kukotokela. Kalunga, Ngwa—Ngwakitonda kwiza. Ngwakitonda vene kwiza na kufukama.” Amena.

²⁰⁸ Jino, Arthur Arthur vanyike vamaapwevo, pamo seteko yoyimwe, vakiko vejile hano, kufukama hamavu.

209 Kwiza nakuya kulutwe kupwa kanyike wapwevo wamundende kupwa na ndumbwavo walunga wamundende ha hembo. Likumbi likwavo Ngwapwile kaha nakutwama; Pwevo lya Wood kwiza na kungulweka yami, ambile ngwenyi ndumbu wapwevo apwile nakuya ku chipatela hakupwa na kamba. Ou Shipilitu Wajila ngwenyi, “Yako ulweke vakiko kupwa kanyike walunga.” Omwo asemukile, apwile kanyike walunga.

210 Chasoloka kupwa vana chimene chino, ze wamundende kukavangiza kwiza nakulovoka kufuma kuli Ndumbu wapwevo Arnold wakushikumuka, kujilika viyoyelo vyavo. Kamenga wosena, kuchilyo chami, ali wakuzala na vana vavandende.

211 Nachiya nakupwa chamwaza kachi etu natuya nakwimba mwaso, kukamenga, kuli vathu wosena, vakulwane.

Jino, Mwata, Nguli nakwiza kwimbo.

Kwiza kwimbo... (...?. . .)

Keshi cheka kukimbwojokako;
Tanduula mavoko Ove a zangi,
Jino, Mwata, Nguli nakwiza kwimbo.

212 Echa etu tunongame mitwe yetu chindende kaha, tulombe, hali ava vakweze.

213 Tata wa Mwilu, kachi kuli nakwiza hamene, kachi Yesu mwakaya nakukumisa yikwavo teni mokomoko fifiteni, ava navaya nakupwa vanyike vamaalunga na vamaapwevo uze nauya nakuhakoka ou Mujimbu kupwa kuli veka visemunuino kwiza. Kukakasana chauchi muvishinganyeka vyami, Mwata, oloze makumbi osena akuyoya chavo vakiko navaya nakwanuka kwiza kukamenga. Kaha vakiko kupwa luheto lwalundende, Mwata. Vavo vavandende kaha vanyike namichima yayindende kupaisa echi chimene. Keshi numba kwivwulila Mujimbu wosenako; kulovoka nakufuma mukapete, kufuma kwivwulila Ndumbu wapwevo Arnold kuhanjika; kutambuka nakujinguluka kukamenga hano, kuhana chiyoyelo chavo kuli Ove.

214 Jino, Tata, Nguli kaha nakuhita mukuhanjika nge muli etu mwatwama Shipilitu Wajila. Kaha ou Shipilitu Wajila, lufwelelo na Shipilitu, kulinga vyuma vyosena. Kaha Ngwafwelela nge elu lwola vene, Ove ngukonekele kala shili ize vakiko kupwa wakukujika. Kaha Nguli nakulomba Ove, na lufwelelo lwosena luli mumuchima wami, nge Enu namuya nakulama vavo vavandende kushikumuka kuhichila mujila. Echa vakiko kufuma Mujila.

215 Echi mwamuchano chinapu chuma chaungeji. Eyi Shipilitu yahanjika chimene chino, etu natuya “talenu chumachimwe chaungeji.” Kalunga, kachi Ove unechela kuzata na veka, kumbata vana vavandende. Omu echi chimene, muze mukusanyika chakukamenga, kakweshi

numba umwe wamukulwane, oloze lizavu lyosena kupwa vana vavandende kwiza. Oloze, wapwile Mujimbu waunene kupwa nakwivwushisa chachinene, numba vakulwane, oloze vana kukwachiwa cha Shipilitu ya Echi. Etu twasakwilila Ove hali vakiko, Tata. Ngunavahane kuli Ove, nge ngamba Yove, nge vyuma vyavilemu vya kuliwana; mwowmo, kwanuka aze Meya Apwako lika a Kuyoya kuya nakukavangiza na vakiko nge kupwako nge omu vakiko vayoya. Echa vakiko vapwenga nalufwelelo jino kupwa chumamuka chili nakusoloka, nge Kalunga kukoka vakiko kufuma muchitwamo na kuvatuma hano, echa vakiko vapwenga na lufwelelo muli chize Kalunga makumbi osena akuyoya chavo. Echa mashipilitu avo amandende akuneha kuli Ove mulikumbi lya kufwa; kuneha cheka mujimba wavo muli lize likumbi lua kusanguka. Vakiko vanapu Vove, Tata. Etu tweji kuvahananga Ove kuhichila mu Lijina lya Yesu.

²¹⁶ Shimbu etu natupwa na mitwe yetu yakunongama. Nguli nakuya nakulomba vana vosena kukamenga, nge afwelela nge Yesu apwa Mulwilo wove kaha Umwe Uze akulwekele ove, kunyima kuze mulikungumbuwa, kwiza hano na kufukama kuno kukamenga. Ove wafwelela nge Yesu amizanga na kukonekela shili jove? Ngwatondo enu vosena kwimana hamahinji enu na kutala kunyima hano mulikungumbuwa. Echi, eyi ikiko jila enu munahase kulweka vathu nge enu mwafwelela nge Yesu mwakulwila ove. Jino kwimana havitumbovyove, echi chakwoloka, kaha kutala mzevene kutwala mulikungumbuwa. Enu vosena vanyike vamaalunga na mapwevo vaze vamuzanga Yesu, kwimana nakutala kukinduluka kuliuka kuze, enu vosena.

²¹⁷ Ngachilihi enu vanyike vamaalunga hano kulutwe? Enu mwafwelela? Enu mwamuzanga Yesu? Ava vanyike vamaalunga hano, enu mwamuzanga Yesu na muchima wove vosena? Enu mwamuzanga Ikiye? Ove wamuzanga Ikiye? Ove wamuzanga Ikiye, muchima wami? Imana hano, echa vathu vatachikize nge ove wamuzanga Yesu. Kalunga akukisule.

²¹⁸ Jino echa tufukununenu muli eyi jila na kwimba hali ava vathu shimbu kanda etu tuseze, “Yesu anguzanga yami! Echi Ngunatachikiza, eyi Mbimbiliya yeji kungulweka yami ngocho.” Talenu? Echa tuzundulenu mavoko etu shimbu tuli nakwimba jino. Chosena chakwoloka, echa twimbenu.

Yesu anguzanga yami! Echi Ngunatachikiza,
Mwomwo Mbimbiliya yahanjika ngocho;
Vavandende kuli Ikiye kupandama,
Vakiko vali wakuzeya . . .

²¹⁹ Jino haka mavoko enu helu . . . ? . . . Etu vosena hamwe:

Eyo, Yesu anguzanga yami,
Eyo, Yesu anguzanga yami,
Eyo, Yesu anguzanga yami,

Eyi Mbimbiliya yeji kungulweka ngocho.

²²⁰ Jino enu vosena ngukavangizenu hali yami: Ngwafwelela Yesu Kulishitu ikiye Mwana Kalunga. Lelo, Ngunetavila Ikiye kupwa Mulwilo wami. Kufuma likumbi lyalelo, nakutwalilaho, Nanguya nakumuzanga Ikiye na kumuzachila Ikiye. Amena.

²²¹ [Ndumbu walunga Ben Bryant kuhanjika, “Ndumbu walunga Branham, Ngukwechi vana vawana ha muchima wami halwola luno. Ove muyalebelele vakiko?”—Muka.] Punduvene nachiya, Ndumbu walunga Ben.

²²² Tata wa Mwilu, ou muthu kumona nge vana vavandende kwiza kuli Kulishitu, kaha ikiye kutambakana, nge tata, hali venyi vavandende. Kaha Shipilitu ize yanehele ava vavandende kukamenga, echa Shipilitu yoyimwe yilwile vana venyi, Mwata. Tuhane echi. Etu kuvahana Ove, Tata, mu Lijina lya Yesu Kulishitu.

²²³ Jino nge omu enu vakweze kukinduluka kuchitwamo chove, Ngwatondo kalamuthu nakushimbula ize jila kulimeneka na vana vavandende, mokomoko kuvavendejeka nge vakiko kuya nakukinduluka. Enu namuya nakukinduluka muvitwamo vyen, *eyi* jila. Kaha echa kalamuthu nakutwalilaho kuvendejeka mukweze wamundende. Kaha etu twakuzanga ove na michima yetu yosena. Ove unapu mamembala ja Mujimba wa Kulishitu, kupwa kaha chikuma muli Echi nge omu tuli etu vosena.

Etu tuli nakufwola nakuya ku Zeyone,
Kuwaha, Ziyone;
Etu tuli nakufwola nakuya ku Zeyone,
Ize Mbongi yamwaza ya Kalunga.

Twaya, etu twazanga Mwata,
Kaha echa kuwahilila chetu vachitachikize,
Kulinunga na mwaso na kwimbila hamwe,
Kulinunga mukwimba na kwimbila hamwe,
Kaha kujingilika Litanda,
Kaha hikujinguluka . . .

Echi chinapu kwimba chamwaza! Echa twimike mavoko etu jino.

Etu tuli nakufwola nakuya ku Zeyone,
Kuwaha, Ziyone;
Etu tuli nakufwola nakuya ku Zeyone,
Ize Mbongi yamwaza ya Kalunga.

Echa tulimeneke umwe namukwavo mumavoko shimbu etu tuli nakwimba jino.

Etu tuli nakufwola nakuya ku Zeyone,
Kuwaha, Ziyone;
Etu tuli nakufwola nakuya ku Zeyone,
Ize Mbongi yamwaza ya Kalunga.

224 Jino echa twimanenu mitwe yetu yakunongama, shimbu etu. . . Ikwechi Ndumbu walunga Teddy, kupwa kaha. . .

225 Ngukwechi kutonda chimwe hano, kaha malesu na vyangocho. Vakiko vanahase kwiza kufuma kusali yatulungalwiji. Billy apwile nakungulweka vakiko kupwa na jisapato jajindende kufuma kuukemba wamundende kufuma ku England, kufuma *kuze* nakuya, chuma chachindende cha chitonji. Kaha shikaho etu twapwile nakulombela chize, nawa.

226 Kaha shikaho. . . [Ndumbu walunga Ben Bryant kuhanjika, “Ndumbu walunga Branham, mwane ngukonekelenu ha kufwiza, oloze kulomba chize, uze avetele mutoka yetu na ufuku unahichi, kulutwe lwacho, kulomba nge nachiya nakusoloka. Twalombo nge Mwata kusolola echi.”—Muka.] Amena, Ndumbu walunga Ben, Ngunakunyuka hali chize. [Ndumbu walunga Branham kungunguta *Etu tuli Nakufwola Nakuya Ku Zeyone.*]

227 Nge omu tuli nakutonda, Mwata, etu tunatachikiza nge Lilolwa lya kuveta lili vene muli etu, kupwa Kumeso a Meya kufuma ku Lilolwa kuya na Liuka. Ove Kalunga wa Hayamyaka, na kutusununa etu, chimene chino, lufwelelo muli ou Kalunga ou ali nayetu. Ngunatachikiza Ove muya, kupwa kaha nge etu tunahase kuwana uselewa na Ove, nge Ove unahase kufwelela na Echi. Kachi Ove nauhana Echi kuli etu muchisala, etu tunahase Kuchinyisa, Mwata. Oloze kachi etu tunawane likoji na Ove, echa chisoloke.

228 Ndumbwetu walunga ambile ngwenyi mthuumwe kuveta mumotoka yenyi. Ove Kalunga, etu tunatachikiza uze lunga kapwile na maliko kulinga vyuma kana. Ngwalombo nge Ove uyenga nakuneha mukweze ali kutunya, mokomoko chumachimwe, ikiye nahase kwalumuka nakupihilila ha kulinga echi, twaya, hanjika, “Ndumbu walunga, Nanguya nakuhaka motoka yove, Ngwalingile chize.” Kukafwa Ndumbu walunga Ben na vamwe vakuzanga.

229 Hano mulivoko lyami muli lilesu na kutondeka, kupwa na lufwelelo muli Kalunga. Mose apwile na lufwelelo muli uze Kalunga, kaha ikiye azaukile kalungalwiji. Ndanye apwile na lufwelelo muli uze Kalunga, kaha vamunehede muze muwina wava ndumba. Shadrach, Meshach, na Abednego, apwile na lufwelelo muli Ikiye, kaha vakakumumwine kakahya.

230 Paulu apwile na lufwelelo muli Ikiye, kaha likumbi limwe omwo kutanga chapwile chachikalu kaha Paulu kahashile kupwa na muthu wosena ko, ikiye ambachile kaha lilesu, ikiye ngwenyi, “Ngwafwelela nge Kalunga ali nayami.” Ikiye ahakile mavoko enyi hali malesu na mahina, kaha jishipilitu jajipi kufuma kuli vathu, kaha kuviza na misongo kuhandunuka kufuma kuli vakiko. Kalunga, Ngukwechi lufwelelo muli Kalunga youmwe. Echa kupihya chifume. Misongo, misongo, na kuyanda, echa yifume, Mwata.

²³¹ Ove unapu Kalunga youmwe uze ahanjikile kuli yami muze mu Panda ya mulangi wa Kakahya, kuze kukalwiji. Ove unapu Umwe uze akwechi chifwanyisa Chove kusukama hano na yami, hambango. Ove uli na etu, Mwata. Ove uli walelo, ize Panda ya mulangi wa Kakahya yoyimwe. Kaha etu tunasuwuluka na Meya kufuma ku Lilolwa hakumbi hakumbi, shimbu etu tulinunge na Shipilitu. Kahajino, Ove uli hano. Etu tukwechi lufwelelo muli Ove, Mwata. Etu tuli na lufwelelo muli Ove. Etu twafwelela nge Ove uyenga nakutuwavisa na kutukafwa etu. Keshi ha upahu wetuko, Mwata; etu natuya nakupwa nge Mose jino, omwo ikiye alingile chuma chakuhenga. Etu twatondo kulinga chumachimwe chakukafwa Ove, Mwata. Echi chikiko kujina cha muchima wetu, kukukafwa Ove, kachi etu tunahase kuchilinga. Ove tulweke etu, Tata, kala chuma Ove unatondo kulinga.

²³² Kaha jino, ha vilinga vya lufwelelo, Ngunapaisa misongo nge awa malesu kwimanyinako, kaha echi kutonda. Vakiko navaya nakuseza vathu. Ngunatachikiza Ove muya nakuchilinga, Mwata. Ngwafwelela echi, mumuchima wami, nge Ove muya nakuchilinga. Hindula vakakuviza vosena mukachi ketu chimene chino.

²³³ Kulwila vaze vanazundula mavoko avo, vaze vahanjikile nge vakiko vanatondo kwiza ku Lilolwa, ha Meya. Kalunga, echa vakiko vapwenga napwila lelo, echa kupwenga chiyoyelo chakujinguluka kuli vakiko, palanga nomu nachiya nakulingisa vakiko lipwila lya Kulishitu. Tuhanecho echi.

²³⁴ Pwenu na etu ufukuuno, Tata. Ove Kalunga, echa nguwane, kuhichila muli echi kutonda, chumamuka chili ha michima ya vathu. Kachi kakweshi chuma chimwe mukachi ka muchima wavo, kahajino, Mwata, Ove nguhane chumachimwe kunangula kumichima yavo ufukuuno.

²³⁵ Kisula Ndumbwetu Neville, na pwevo lyenyi, chisaka chenyi; liuka lyetu lyalindende, vakufwelela muliuka, vakakuzata muliuka, mamembala. Kaha Mujimba Wove kwosena, pwako na etu, Tata. Etu tuli nakulihana echi mumavoko Ove, mu Lijina lya Yesu Kulishitu.


... Ziyone;

Etu tuli nakufwola nakuya ku Zeyone,
Mbongi yamwaza ya Kalunga.

Jino echa twimbenga kaha, chivene, mukiko vene kuli Ikiye jino. Talenu?

Twaya, etu twazanga Mwata,
Kaha echa kuwahilila chetu chisoloke,
Kulinunga mukwimba kwimbila hamwe,
Kulinunga mukwimba kwimbila hamwe,
Kaha kujingilika Litanda,
Kaha kujingilika Litanda.

Na michima yetu yakunongama jino.

Etu tuli nakufwola nakuya ku Zeyone,
Kuwaha, Ziyone;
Etu tuli nakufwola nakuya ku Zeyone,
Mbongi yamwaza ya Kalunga. 

61-0723M Meya Aze Apwako Lika Akufuma Mu Lilolwa
Branham Tabernacle
Jeffersonville, Indiana U.S.A.

LUVALE

©2023 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Tachikizenu lisesa lyakufwatula

Kulama lisesa lya kufwatula. Ou mukanda vanahase kuufwatula kumakina akuvulisa a hembo kupwa wakuzachisa kuli muthu hakapanji kenyi mokomoko kuhana kweka, wa wana wakanyombo, kupwa chitwa chakutanjisa Mujimbu wamwaza wa Yesu Kulishitu. Ou mukanda kavatela kuulanjisako, chipwe kuyitunga yayivulu chikuma, chipwe kuyihaka ha peho ha website, kuyitulika muze vanahase kuyifumisa, kulumbununa mu malimi eka, mokomoko kuuzachisa kupwa jila yakutambwilamo mali chakuzeneka lisesa lya kusoneka kufuma kuli vaka Voice Of God Recordings®.

Mwatondo kutachikiza vyavivulu mokomoko vyuma vikwavo, kaha sonkelenu ku:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org